

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
NOV 4 1939

T 3133/3514: 83

0012

永平府志卷之二十三

藝文志三

錄

秦始皇帝碣石銘

遂興師旅誅戮無道爲逆滅息武殄暴逆文復無罪庶心
咸服惠論功勞賞及牛馬恩肥土域皇帝奮威德并諸侯
初一泰平墮壞城郭決通川防夷去險阻地勢既定黎庶
無繇天下咸撫男樂其疇女修其業事各有序惠被諸產
六並來田莫不安所羣臣誦烈請刻此石垂著儀矩

哈佛大學漢和
圖書館珍藏印

樂神曲 八章

國朝 陳金駿

惟土之靈兮持功賦百職兮位居中為萬物母兮被亨豐
粒蒸民兮匪極易艱食兮鮮食春而稼兮秋而穡年復年
兮遍萬國靈之來兮駕牛車草笠糾兮葛帶舒陳一豕兮
雙瑜神醉飽兮遠遠右先
音神

草木滋華兮蔭廣畝繁百谷王兮為神明壽吐芒兮穉穉
垂頭兮旆旆瞻繡壤兮如雲紛葳蕤兮馥芬唯神之德兮
資生無窮醉神以酒兮酌醴濃濃娛神以舞兮伐鼓逢逢
右司
穡神 繁古之世兮飲血而茹毛與物競兮攘且勞唯靈兮降種

相陰陽兮布邱隴躬玉瑤兮陟嶽舍東郊兮薦藜羗功德
兮不知其量報神飲食兮糗糒糗糧唯神之惠兮永永無
忘右農
神

嗟爾禹甸兮茫茫此有界兮爾有疆犬牙入兮雁齒排孰
耦俱兮無猜唯神之靈兮商度表樹兮繡錯望衡兮烟幕
爾無我詐兮我無爾虞薦神豚酒兮以為神娛右郵表
啜神

我倉兮我庾惡乎耗兮碩鼠惟神作兮虺怒聳金眸兮氣
警張玉距兮力猛必欲滅此以朝食兮五技莫逞保佑此
方兮永無損食神之福兮德威惟遠酬神之勞兮歲時且
晚右貓
神

唯神於菟兮威四方其文炳兮為百獸王封豕兮長狼操
我稼兮害我場神驅使去兮無潛藏神之威兮蓋世神之
力兮莫制主此方兮寧遂崇神之祀兮歲復歲右虎神

神元冥兮莫居築堤防兮通溝渠早有備兮潦有儲神遠
來兮奚歟駕芙蓉兮蒨車導翠龜兮文魚惟神被澤兮惠
我無私嗟我民兮其敢敦思靈皇皇兮萃只舞歔歔兮醉

三福穰穰兮千百世只右坊水庸神

環環飛兮蠕蠕動羗不除兮衍而衆害我禾兮為我痛惟
神之靈兮驅之遠方原田每每兮立我青秧不稂不莠兮
無疻無妨時雨兮時暘俾百穀兮登場惟神兮降康報之

兮肴蒸脂羊右昆虫神

賦

弔夷齊賦

明 王世貞

盧龍故孤竹也城西有伯夷叔齊祠吳人王世貞
奉使過此酌水酌焉而為之辭

日余奉輜以東逝兮策馬放乎令支山巘岈而崑壘兮衆
草贊崔而條緯俞兒道余於卑耳兮武夫磷磷其叅差曰
青帝之握樞兮顛改煦沈瀟而憐悽元宮承雲而黜黜兮
僉告余二子之所都羗回慮以返照兮渙沁躋靡而內疑
足次且欲卻兮又雀躍而前趨段含光劇余之素兮挽清

冷使濯余之歲褻招沆瀣以醞醴兮畏朝霞以爲餒餒噓
元冥之竅機兮噫噫拊歌之憤愴受哀絃於太娥兮涓延
和之以清商靈蕭蕭而若睹兮冀回熒燭乎微躬又恟恟
其不可卽兮掌夢疏帝以奚從眺孤竹之直曼兮台要靈
以故祊生剝舉而脫屣兮寧鬱鬱處彼幽方溟波委輪滅
貉兮箕蒙難而延宗靈庶偕以翔遊兮語侏離而不可通
北海泱泱靈所辟兮受淳涵使不得寧將岐豐沃以愉兮
靈又薄周德而莫宮諸毘綿延具區兮太虞夷猶於其旁
羌德配而耦娛兮靈謂狎附乎周盟陂陀首陽忽棄寧兮
益薇以荃之芬芳靈閭闔而下臨將綫駕以憩息掌夢申

申以表誠兮豐隆臾而來假霓車殷殷以翩續兮皎雙鴻
之次翼匪寶璐而陸離兮舍離芷以彌馥介九賓而見予
兮祝史要予以靡忒伯從父以成命兮叔違親以成德俶
舍君以明志兮旣殉主以明極昔巢父之讓皇兮托勲華
而稍佚尹五就而拯塗兮愀然面故主以惶恹謂題跂以
死名兮莊任誕而廢節遷曉曉於冀尾兮嗜微聲之有托
彼纍修辭而求白兮卒牢悵沉乎湘澤釋鄒人之無怨兮
迺從容於天則世滔滔而悲涌兮戰伐莽其相仍顧蒿目
以揆攬兮競含沙而盡光騶虞草以伏食兮於菟誇咀夫
衡主陽鱗之齧織鱗兮偃蹇神龍以自矜靈旣悼農虞之

永平府志 卷之三十三
忽沒兮岷躑躅而殷慕愧突梯之苟容兮將捐足乎靈御
胡司命之不斷微兮抑餽糟以昏鶩盼媼娥之要渺兮涓
濁軀而不及顧

觀海賦

明 陳士元

元黃肇分一六凝質溟瀚呈靈函維翰極北包窮髮南控
炎溢西環聚窟之洲東浴扶桑之日曼倩之記不能詳元
虛之篇不能畢也若有蓬瀛仙子周遊歷邁八埏九垓無
往不屆乃濯足於北平之濱尺度乎東渤之派望洋吐詞
卽小喻大四海之廣固可想像其形依稀其概也曰惟茲
裊海幽冀之陬浸碣石薄萊州掩朝鮮縈遼邱爾乃洪波

浪漫細沫滑渙滃漶濶濶濶濶濶濶濶濶濶濶濶濶濶濶濶濶
洗瀆乎析木之津旋環乎京畿之畔一潮一汐烟昏沙濶
倏晦倏明鯤騰鵬亂若乃颺風發罔象鷗海若呀馮夷舞
天吳怒陽侯鼓於是徒沃焦閉尾閭揚霾幕震雷車駭浪
山疊激波電驅消泐礎蕩芻甸照虛泰嶽掀揭而反覆河
澮漲灩而淪胥狀如湫盤側轉會曲江而同區又如飈輪
逆運傾天潢而下瀨迅勢所滌餘湍所窟鹽峻爲之陸沉
林阜爲之潢淤若乃淡暄潛消晴市初旦鮫室出奇蜃樓
斯爛變化無端珍靈璀璨畫圖成於頃刻遠邇恍其輝煥
地皇闢土而真視羲和弭節以長歎孔父登東而無語蘇

公驚走以難判若乃極深之府至靜之央
涇洞沙漠沌灑渾茫察之無際測之無旁
則有百靈棲息陰火澄光神龍之所隱
蟄巨鼇之所撐當寰宇是奠民物用康
豈但鯨鬣挿雲鳳髓儲漿珠玉林積寶
貝山藏徒無救於饑寒空競侈於遐方
已哉若乃陶唐之世汜濫延靡夏禹施
功此焉伊始二老出而周興重譯來而
波止卞人好勇於乘桴河伯見笑於秋
水乃有不死之藥黃金之宮望之如雲
就之有風鞭石莫及牽犬無功羨門馳
騫乎騶生之術五百漂泊乎瑯琊之東
悠悠海德何損何降納汙受涓居卑量
洪原泉盈科後進而江漢一瀉已瞬息
而朝宗

石臼坨賦

國朝黃 倫

維海陽之廢縣爲渤碣之奧區星載箕
尾之度野分析木之隅出鎮海之郊門
距三舍而有餘敞平原之百頃環滄海
以爲居地雖廢壤境實名墟惟象形而
若曰乃肖象而名諸秋濤洶洶春水溶
溶夜月沉碧朝曦浴紅賈舶漁舫出沒
乎其外琳宮梵宇羅列乎其中泉旣甘
而覺爽村亦古而堪風漢武雄心兮寄
遺踪於縹緲羨門高路兮傳佳話於空
濛論曰坨之勝概靡筆舌而能窮若乃
麗景乍開波光甫動驪空輝生鮫人采
貢穀文疊處蠹彩嚙於洪濤樹影紛時
走龍蛇於涇洞由是羲轡舒颺輪運海
若藏天

吳遜魚蝦千種噴沫爭奇蛟蜃百靈潛逃効順迨至崦嵫
 日掛海嶠雲收雁棲葦澤漁唱葭洲十里平沙半途青草
 數家烟火殘照荒邱梵磬悠揚兮咽潛龍於水底飄風震
 蕩兮出魑魅於隴頭斯又晦明風景之不同舉而繪之悉
 海上之謬悠至若露濡銀井潮退江臯臨三岔之淺瀨駕
 一葉之輕舸舟藏絕港網撒長濤長鱸兮得細鱗之美子
 魚兮羨通邱之褒鏡深房之牡蠣持郭索之巨螯香凝石
 乳腹滿金膏文魚石拒海蜃香螺論曰坨之土產實珍異
 之為多貢都門之豪貴悉此地之餘波嗟嗟地以人而顯
 亦以時而韜矔茲勝壤僻在東臯職方之所不載聖詰之
 所罕遭訪遼金之故事駕樓櫓於層濤雖宿兵於微外每
 輻輳而爭塵春或有脚地已不毛寄傳聞於勝島徒弔古
 兮空勞

落星石賦

以物華天寶人傑地靈為韻并序

國朝 孫祥鳳

永平府學署中有石一拳色相較殊傳為落星所凝雖
 無確考然星隕為石見於載記者屢矣則茲石之為落
 星諒亦不等於無稽辛卯壬辰間頻與王蓮溪進士遊
 顧而樂之因為之賦曰

挹一拳之突兀兮何光怪而陸離瞻萬點之寒芒兮獨盤
 紆而第鬱崛起則欲比瑤簪綺散則疑分霞蔚豈躡窟以

高探竟引袖而下拂無勞月斧追琢漸以成章疇斷雲根
精氣凝而爲物粵稽夜朗瑤樞仰珠光之燦爛流名天雁
占車甲之菁華方霄漢之昭回攸好旣殊其風雨何膺原
之隳落賦形竟等諸肺嘉計數以書載在子宋之野命名
而紀聿稱彭蠡之涯非載鼇之浮於渤澥豈支機之來自
仙槎維茲青龍澤畔射虎山前學舍如舟新喜文昌之人
寒瓊獨冷嘗分太乙之然忽自三霄而破塊曾輝五色以
補天窈冥崢嶸瑞氣遙連黃道嶙峋峯峒榮光直接魁纏
爾其窳者如窳凸者如島突怒如奔斜傾如倒非苔丹兮
若斑非蘚駁兮若藜寧同晉國之能言疑是穀城之逸老
隴嵒岬壘高不及於尋常綿亘袤延周僅可以合抱帶銀
鑠之末光增黃輿之瓌寶蓋惟來從雲闕宜其品軼風塵
遙應孺星而峙儼同石鼓之陳倘或制以爲磐應覆書於
天柱假使漱及其齒且厲節於羣倫呈萬態於慶雲曾何
魄磔勝五如於江岸奚患磨磷韞玉兮耀彩鸞旂洵足輝
聯東壁出金兮和聲絃誦欣占里聚賢人於時啟將絳帳
旣深賞夫嶽崎集得青衿亦共欽其竦傑秉宿海以鍾英
與泮池而方潔擇勝地以安排就廣居而特設鎮茲義路
愛瑟若之堅膚位置禮門凜介如之貞節可但比鬱林以
同廉未妨與乖崖而並拙固堪爲簪紱之鍼砭亦足資史

乘之採擷居嘗慨想前徽遐稽舊志越履蜀鏡幻化長留
李踞陶眠醉醒傲寄雖皆標勝蹟於簡編祇以供耳目之
游戲奚如茲石之含章本自列星而擲地蹲踞綺榭客來
欲整米袍兀立雕欄露坐訝臨益使乃爲之歌曰明星熒
熒兮麗紫冥維石巖巖兮擘巨靈在天成象兮在地成形
彼君子兮介石是銘誠共體斯意兮以砥礪而礪礪寧惟
象勾陳之環衛爲畿輔之藩屏行見作

皇朝之柱石卽

聖世之景星

遊水岩寺賦

以溪聲長廣山
色清淨爲韻

國朝

趙大奎

邑城之北縣廓之西水環斷嶺岩傾幽溪花雨溟濛逗禪
堂於古岸香烟杳靄通僧院於幽蹊此誠會巖壑之佳境
號勝地於昌黎也原夫涼風有韻冷露無聲索居何緒兀
坐何營寧乏尋幽之意因餘躋勝之情非訪異僧冀幽閒
而消俗慮豈尋老衲欲徜徉而洗塵纓爾迺巾車紗幔駕
馬絲纒行欹斜而得雲路歷險僻而見山梁志雅開山倚
斷澗爲淨土功深面壁藉碎石爲圍墻啟十八之圓通鐘
聲寂靜厥大千之世界梵響深長于以倒捫蘿藤斜披榛
莽俯聽殘溜地險澗危仰矚奇峯石橫嶺廣越砂超澗溪
雲拂衣而來登碣穿岩松風吹人而上當波轉峯迴之際

志意清幽值山明水秀之間心神精爽兼之甘黎堪挹酸
棗可攀木瓜綠暈蘋果紅斑不羨孤梅標清癯於大嶺詎
欣叢桂堆金粟於小山信玉砂瑤草之境誠桃源蓬島之
灣更有溪鳥舒翎山禽奮翼潭鏡涵光石屏生色牧笛隨
風來南樵斧穿雲過北或相呼語振雲樹而皆聞偶作嘯
歌隔平林而未息是以遊人響集逸客景行或效蘭亭競
流觴於曲水或訪金谷相拈韻而題名雖非雪夜之思興
濃王子不減陽春之景思逾李生成爲志逸共覺神清迨
至手掬清漣言探崇淨水橫塔影留日景之斜明山掩臺
形分霞光而倒映共言返轡尙覺依迴與話旋車猶深涵

沕聊爲濡翰以申逸曠之思因是揮毫用誌幽閒之性

詩 歷朝

碣石篇

魏武帝

東臨碣石以觀滄海水何澹澹山島竦峙樹木叅生百草
豐茂秋風蕭瑟洪波湧起日月之行若出其中星漢燦爛
若出其裏幸甚至哉歌以詠志

孟冬十月北風徘徊天氣肅清繁霜霏霏鷓鴣晨鳴鴻雁
南飛鷺鳥潛藏熊羆窟棲錢罇停置農收積場逆旅整設
以通賈商幸甚至哉歌以詠志

鄉土不同河朔隆寒流澌浮漂舟船行難雖不入地豐籟

深奧水竭不流冰堅可蹈士隱者貧勇俠輕非心常歎怨
戚戚多悲幸甚至哉歌以詠志

神龜雖壽猶有竟時騰蛇乘霧終為土灰老驥伏櫪志在
千里烈士暮年壯心不已盈縮之期不但在天養怡之福
可得永年幸甚至哉歌以詠志

觀滄海

魏武帝

六神諸山淪漣大壑北風勃來簸蕩不息帝命巨鼇更負
危揭冠簪東出以為碣石燭龍雙眸以為日月下苞蒼蒼
浩蕩靡極幸甚至哉歌以詠志

望首陽

晉阮籍

望首陽山東望太行山上有採薇士上有嘉樹林

望海

隋煬帝

碧海雖欣矚金臺空有聞遠水翻如岸遙山倒似雲斷濤
還共合連浪或時分馴鷗舊可狎卉木足為羣方知小姑
射讎復語臨汾

奉和望海

隋虞茂

清蹕臨溟漲巨海望滔滔十洲雲霧遠三山波浪高長瀾
疑浴日連島類奔濤神遊藐姑射睿藻冠風騷徒然雖觀
海何以效涓毫

於北平作

唐太宗

翠野駐戎軒盧龍轉征旆遙山麗如綺長河縈似帶海氣
百重樓岩松千丈蓋茲焉可遊賞何必襄城外

春日望海

唐太宗

披襟眺滄海憑軾翫春芳積流橫地軸疏派引天潢仙氣
凝三嶺和風扇八荒拂潮雲布色穿浪日舒光照岸花分
彩迷雲雁斷行懷卑運深廣持滿守靈長有形非易測無
源詎可量洪濤經變野翠島屢出桑之采思漢帝碣石想
秦皇霓裳非本意端拱且圖王

奉和春日望海

唐楊師道

春山臨渤海征旅輟晨裝迴瞰盧龍塞斜瞻肅慎鄉洪波
迴地軸孤嶼映雲光落日驚濤上浮天駭浪長仙臺隱螭
駕水府泛鼉梁碣石朝烟滅之采歸雁翔北巡非漢后東
幸異秦皇蹇旗羽林客拔距少年場龍擊驅遼水鵬飛出
帶方將舉青邱檄安訪白霓裳

觀海

唐獨孤及

北登渤海島回首秦東門誰尸造物功鑿此天地源瀕洞
吞百谷周流無四垠朗然混茫際望見天地根白日自中
吐扶桑如可捫迢迢蓬萊峯想像金臺存秦帝曾經此登
臨異飛翻揚旌百神會望日羣仙奔徐福竟何成羨門徒
空言惟見石橋足千里潮水痕

送鄭少府入遼共賦俠客遠從戎 唐 駱賓王

邊烽警榆關俠客度桑乾柳葉開銀鏑桃花照玉鞍滿月
臨弓影連星入劍端不學燕丹客空歌易水寒

送著作佐郎崔融等從梁王東征 唐 陳子昂

金天方肅殺白露始專征王師非樂戰之子慎佳兵海氣
侵南部邊風掃北平莫賣盧龍塞歸邀麟閣名

送著作佐郎崔融等從梁王東征 唐 杜審言

君王行出將書記遠從征祖帳連河闕軍麾動洛城旌旗
半卷氣箏吹夜邊聲坐覺烟塵掃秋風古北平

古遊俠呈軍中諸將 唐 崔顥

少年負膽氣好勇復知機仗劍出門去孤城逢合圍殺人
遼水上走馬漁陽歸錯落金鎖甲蒙茸貂鼠衣還家行且
獵矢去速如飛地迥鷹犬疾草深狐兔肥腰間帶兩綬轉
盼生光輝顧謂今日戰何如隋建威

遼西作 崔顥

燕郊芳歲晚殘雪凍邊城四月青草合遼陽春水生胡人
正牧馬漢將日徵兵露重寶刀濕沙虛金鼓鳴寒衣著已
盡春服與誰成寄語洛陽使為傳邊塞情

燕歌行 唐 高適

開元三十六年客有從元戎出塞而還者作燕歌

行以示適感征戍之事因而和焉

漢家烟塵在東北漢將辭家破殘賊男兒本自重橫行天
子非常賜顏色撻金伐鼓下榆關旌旆逶迤碣石間校尉
羽書飛瀚海單于獵火照狼山山川蕭條極邊土胡騎憑
陵雜風雨戰士軍前半死生美人帳下猶歌舞大漢窮秋
塞草腓孤城落日鬪兵稀身當恩遇常輕敵力盡關山未
解圍鐵衣遠戍辛勤久玉筋應啼別離後少婦城南欲斷
腸征人薊北空回首邊庭飄飄那可度絕域蒼茫無所有
殺氣三時作陣雲寒聲一夜傳刁斗相看白刃血紛紛死
節從來豈顧勲君不見沙場征戰苦至今猶憶李將軍

塞上

高適

東出盧龍塞浩然客思孤亭堠列萬里漢兵猶避胡邊塵
滿北溟胡騎正南驅轉鬪豈長策和親非遠圖惟昔李將
軍按節臨此都總戎掃大漠一戰擒單于常懷感激心願
效縱橫謨倚劍欲誰語關河空鬱紆

別馮判官

高適

碣石遼西地漁陽薊北天關山唯一道雨雪盡三邊才子
方爲客將軍正渴賢遙知幕府下書記日翩翩

出自薊北門

唐李希仲

旄頭有精芒胡騎獵秋草羽檄南度河邊庭用兵早漢家

愛征戰宿將今已老辛苦羽林兒從我榆關道

出自薊北門行

唐李白

虜陣橫北荒胡星耀精芒羽書速驚電烽火晝連光虎竹
救邊急戎車森已行明主不安席按劍心飛揚推轂出猛
將連旗登戰場兵威衝絕幕殺氣凌穹蒼列兵赤山下開
營紫塞傍孟冬風沙緊旌旗颯彫傷畫角悲海月征衣卷
天霜揮刃斬樓闌彎弓射賢王單于一平蕩種落自奔亡
收功報天子行歌歸咸陽

地志集畧平州在赤山之東

後出塞

五首之一

唐杜甫

獻凱日繼踵兩蕃靜無虞漁陽豪俠地擊鼓吹笙竽雲帆

轉遼海粳稻來東吳越羅與楚練照耀輿臺軀主將位益
崇氣驕凌上都邊人不敢議議者死路衢

贈裴將軍旻時守北平

唐顏真卿

大君制六合猛將清九垓戰馬若龍虎騰陵何壯哉將軍
臨八荒烜赫耀英材舞劍若游電隨風縈且迴登高望天
山白雲正崔嵬入陣破驕胡威名雄震雷一射百馬倒再
射萬夫開匈奴不敢敵相呼歸去來功成報天子可以畫
麟臺

同孫構免官後登薊樓

唐張謂

昔在五陵時年少心亦壯嘗驚有奇骨必是封侯相東走

到營州投身事邊將一朝去鄉國十載履亭障部曲皆武
夫功成不相讓猶喜胡塵動更取林慮帳去年大將軍忽
負樂生謗北別傷士卒南遷死炎瘴溲落悲無成行登薊
邱上長安三千里日夕西南望寒沙榆塞沒秋水灤河漲
策馬從此辭雲山保閑放

邊庭怨

四首之二

唐盧弼

春衣昨夜到榆關故國烟花想已殘小婦不知歸未得朝
朝應上望夫山

盧龍塞外草初肥燕乳平蕪曉不飛鄉國近來音信斷至
今猶自著寒衣

盧龍塞行送韋掌記

唐錢起

雨雪紛紛黑山外行人共指盧龍塞萬里飛砂咽鼓聲三
軍殺氣凝旌旆陳琳書記本翩翩料敵張兵奪酒泉聖主
好文兼好武封侯莫比漢皇年

塞下曲

唐戎昱

北風凋白草胡馬日駸駸夜後戍樓月秋來邊將心鐵衣
霜雪重戰馬歲年深自有盧龍塞烟塵飛至今

傷溫德彝

唐溫庭筠

昔年戎虜犯榆關一破龍城匹馬還侯印不聞封李廣他
人邱隴似天山

首陽山

唐 胡曾

孤竹夷齊恥戰爭望塵遮道請休兵
首陽山倒為平地應始無人說姓名

送友人出塞

唐 薛能

榆關不可到何況出榆關
春草臨岐斷邊樓帶日閑
人歸穹帳外馬發廢營間
此地秋堪想霜前作意還

民謠為平州刺史田仁會歌

唐 無名氏

父母育我兮田使君
挺精誠兮上天聞
中田致雨兮山出雲
倉廩實兮禮義申
君常在今兮不患貧

題虛池驛屏風

唐 宜芬公主

出嫁辭鄉國由來此別難
聖恩愁遠道行路泣相看
沙塞容顏盡邊隅粉黛殘
妾心何處斷他日望長安

題夷齊廟

宋 司馬光

夷齊雙骨已成塵獨有清明日日新
餓死溝中人不識可憐今古幾多人

詠史懷夷齊

宋 王十朋

避紂窮途北海濱歸來端為有仁人
武王不聽車前諫餓死西山志亦伸

晚登遼海亭

金 高士談

登臨海面灑清風竟日憑闌興未窮
殘色樓臺山向背夕

陽城郭水西東客情到處身如寄別恨他時夢可通自嘆
不如華表鶴故鄉長在白雲中

平州中和館後草亭

金李晏

藤花滿地香乃在松影拂雲寒未收山鳥似嫌遊客到一
聲啼破小亭幽

題道者山

元宋綱

茲山介平營時與太古存碣石拱其側水巖何足論東北
醫無閭羅列爲弟昆

灤河吟

元宋本

灤河上游隘涓涓僅如帶偏嶺平橫渡復遶行都外頗聞

會衆濼旣遠勢滂沛雖爲禹貢遺獨與東海會乃知能自
致天壤無廣大

首陽望雪

元陳賡

天風吹瓊瑤白冒首陽頂欲和採薇歌千山凍雲冷

首陽望雪

元段成已

薇歌一曲對青山萬古千秋老翠巒望斷空崑人不見光
搖銀海玉峯寒

采薇圖

元盧摯

服藥求長生孰與采薇子一食西山薇萬古猶不死

喜逢口

元許有壬

俗爲父求子而逢之于此猶望夫之有石也雖莫
究其年代名氏而其言有足感人者故作是以記
之

兒寒解衣重撫摩兒飲與食孰忍訶長成與國遠負戈一
去不返當如何去時云戍東北鄙直出榆關度遼水白頭
郎罷與影俱豈憚山川千萬里天教此地適相逢父曰從
天墜吾子笑疲樂極俱殞身誰謂情鍾遽至此官家開邊
方未已同生又別寧同死山雲漠漠風颼颼山頭雙塚知
幾秋當時不忍一朝別今日翻爲千古愁猶勝貞女化爲
石終古孤身雙不得清江寒影日悠悠行人一去無消息

東水岩寺

明王翺

未到仙人頂先登道者山興隨流水遠意共野雲閒鶴唳
空冥外鐘聲疊嶂間追遊賴朋友杯酒話禪關

過汀流河

明方經

灤水朝宗一派流寒烟蕭索古津頭雞鳴遠浦家家月漁
老空磯處處鷗將伴沙邊人待渡忽呼江上客同舟西風
回首中流楫桐葉蘆花兩岸秋

山海關

明馬文升

會聞山海古榆關今日經行眼界寬萬頃洪濤觀不盡千
尋絕壁書應難東封遼地三韓險西固燕京百世安來歲

新正還旆日擬圖形勝獻金鑾

秦皇島

明邵遠

徐福樓船去不廻鑿輿會此駐叢臺千尋浪拍紛如雪萬
疊潮來吼似雷草樹尙然籠碧嶂烟霞依舊鎖蒼苔追思
漫憶長生藥回到沙邱事可哀

圍春莊雜感

明蕭顯

三十年來走宦途乞歸白髮半頭顱依山結屋塵偏靜臨
水觀魚興不孤野老崎嶇尋橡實林僧談笑斷松腴離家
復作還家夢一夜團樂骨肉俱

一片石次孫洙濱韻

明翟鵬

開國資元老中山獨壯猷奇勛歸太史遺像肅荒陬宿露
迷寒戍陰風起暮愁不堪惆悵處悲角咽樓頭

鎮東樓

明龔用卿

齊雲結飛閣跨嶺限虹橋積水平河漢憑欄望海潮蛟龍
從變化鵬鶚任扶搖欲借凌風翼翱翔上九霄

角山寺

明黃景夔

古寺亂峯裏嵐光四映碧出城指郊路游賞恣所適俗吏
苦紛拏久抱山水癖躋高力未倦愜願如有獲遠蹈想幽
人安得卜一宅曲徑便通樵蕨長柔可摘白晝鳴林禽寒
猿汲泉脉藤蘿縈崖樹巖巖掛石壁信步陟絕巘去天不

永平府志 卷之三十三
盈尺瀕洞觀海氛光景相薄射曠哉此時懷迴與塵世隔
長風吹襟袖清嘯萬里客

永平道中

明 王世貞

盧龍左馮翊白馬舊安西浴日滄溟小摧天碣石低虎沉
飛將羽龍出慕容題驅傳令支塞問津卑耳溪荒祠孤竹
並讓國大名齊引首哀兵鏃沾膺愧馬蹄榆關秋一帶慎
莫動征聲

盧龍署中偶成

王世貞

朱簾翠箔過楊花睡起中庭日未斜却似深閨嬌小婦樓
頭癡坐怨天涯

盧龍署中有寄

王世貞

山城小雨鷓鴣啼楊柳辭寒綠正齊我夢春閨獨不見怕
乘雲雨過遼西

碣石篇

四首
之三

明 李攀龍

碣石中怒滄海北倚元氣吐欲若偃若起長風相薄跳波
千里懸流冒顛天漢外紀地軸高標轂轉白日與齊俱入
與汨俱出

委蛇者河千里一曲方之舟之匪芻伊粟太行詰屈西北
是經車轍馬迹日不遑寧於鑠聖人依其在京差次吏功
郡國以成

羽翼未就鴻鵠徘徊神龍失水螻蟻所裁珠不暗投劍不
倒持能弗用利勿處於疑高才者妬匪但其人逃名避世
以保其身

塞上曲送王元美

李攀龍

白羽如霜出塞寒烽烟不斷接長安城頭一片西山月多
少征人馬上看

燕山寒影落高秋北折榆關大海流馬上白雲隨漢使不
知何處不堪愁

喜峯口觀三衛貢馬

明唐順之

貢道走東胡關門控北都每逢金鏡節來獻玉驄駒酋長
花當後山川松漠紆天衣賜蚪蟒國馬出駒駝乞賞孫隨
祖專兵婦代夫珥璫珠錯落襁褓錦氍毹槃舞呈鞞革侏
言譯象胥白狼回黑水作通衢

登喜峯古城

唐順之

絕頂孤峯見廢關短衣落日試躋攀三秋豹旅方乘障萬
里龍媒正滿山時三衛貢馬散牧關外候鴈似隨鄉思去寒花將送
使臣還籌邊迂薄真無補空望伊吾抵掌間

山海關晚眺

茫茫沙磧古幽州日落烏啼滿戍樓萬雉倒垂青海日雙
龍高映白榆秋虎符千里無傳箭魚鑰重關有扞撤自古

外寧多內治衣袂應軫廟堂憂

陪唐荆川職方王岸泉觀察過關

長城古堞瞰蒼瀛百二山河擁上京銀海仙槎來漢使玉
關衰草戍秦兵星臨尾部雙龍合月照平沙萬馬鳴聞道
飛羽急書生直欲

折楊柳

明薛蕙

三月盧龍塞沙中雪未乾朝來折楊柳春色憶長安

澄海樓

卽知聖樓係
觀海亭改建

明張登高

石勢參差一徑通捫蘿長望海天空亭高下看扶桑日野
曠平臨太乙宮雲起波濤飛几席潮來風雨滿簾櫳行吟

洞口青冥上十二樓臺暮靄中

過永平謁孤竹祠未果

張登高

長河行曲抱城隈萬古清風一舊臺讓國幾聞陵谷變採
薇今見廟庭開寢園松老巢元鶴古道碑殘長綠苔奉祀
未能瞻聖跡羞將簪弁戀塵埃

天馬山

明傅光宅

倚劍登天馬冷然御遠風乾坤雙眼外今古一杯中怪石
懸疑墮晴濤望若空烽烟清萬里白日海雲紅

塞上歌送王侍郎赴薊鎮

明宗臣

榆關北望陣雲高五月天風吹戰袍共說總戎王相國十

年身佩呂虔刀

觀海亭

明李學詩

迢遞關東道留連海上亭
片雲迴島嶼孤鶴下山城
浪漫濠梁意風流斗酒情
浩歌看落日塵世一浮萍

角山寺

明陳綰

每日城中見角山人
始覺遠人寰松雲細
曼龍宮靜石蘚斜侵
鳥道斑斕閣影從
滄海落梵鍾聲度碧空
還關門吏隱無多事
猶羨僧齋盡日閒

榆關

陳綰

漢塞秦關控海隅
長城千里爲防胡
月明滿地無傳箭
靜聽軍中夜博盧

榆關東去是營州
門外車輪似水流
夜半邊聲吹鬢栗
何人不起望鄉愁

顯功廟

陳綰

太傅提兵出塞還
更因榆塞起榆關
石驅到海南成堞壘
築連雲北倚山
遼水至今來鞞鞠
薊門終古鎮窳顏
歲時伏臘猶祠廟
麟閣勲名孰與班

古店甘泉

明馮餘慶

海水從來苦涓流
味獨醇蒼茫傳古店
汲測只漁人碧嶼
寒潮迴青渠宿草新
吳帆應斷目遮莫
太平春

偏涼汀

明高擢

鑿石通周道臨流構短楹層雲羃嶺翠落日映沙明野寺
山腰迴長江檻外橫凭闌遙對月萬古有餘清

望漕母店

明盧耿麒

島上人家夜泊船舳艫灣處水茫然海門一片清波月唯
見沙邱青草連

題李令尹園亭

幾株垂柳幾叢花籬色瀟瀟映水斜秋社可傾陶令酒春
田宜種邵平瓜窻開窈窕迎纖月簾捲依稀見落霞海上
三山誰可到便知閑地亦仙家

孤竹懷古

銅京商邑總蒿萊千載何人弔墨胎啼鳥似傷人世改野
花還向故園開荒城隱隱水聲去古殿巋巋山勢來一望
凄然成曠感塵車欲發更徘徊

開平王廟成應制

明劉子華

揮戈十載定河山忽報星沉易水灣馬首西風旌旆捲天
涯落日凱歌還功成楚漢興亡際名在韓彭伯仲間翊贊
聖功思獨苦黃金直欲鑄真顏

撫寧道中榆關驛有感

明董越

曉別撫寧郭天低海氣連蒼茫初出日慘淡未收烟茅屋

多依樹村氓半在田榆關前驛近伐鼓正淵淵

角山寺

明馬駁

夙抱烟霞癖無緣脫鞅掌百慮蕩內機庶事勞外像忽忽
青陽暮遙憶山林賞薄言尋蹊壑所希絕塵網佳氣紛鬱
葱寶地開虛敞泉聲清且幽物色何駘蕩莓苔染堦碧松
露滴石響舉觴臨東風悠然任來往長歌故徘徊古洞恣
偃仰歸來憇空堂芳樹日初上

塞下曲

明伊介夫

團亭北去是灤河往歲飲馬多今日軍中有飛將帳
房遠徙過沙陀

出關

明崔廷槐

關吏開金鎖郵人控玉珂三韓遼社稷五鎮漢山河白草
荒原合黃雲古戍多從今滄海上萬里不揚波

盧龍道中

明谷繼宗

白雪盧龍道青瑣使客車日瞻滄海近雲帶碧山斜烽火
宵傳警材官曉建牙王能歸及報重華

宿七家嶺驛

明谷繼宗

野館停車騎青燈照綺羅聞鐘疑近闕振袂想鳴珂夜久
霜華重山高月色多郵人戒明發鼓吹渡灤河

謁夷齊廟

明韓應庚

永平府志 卷之三十三 詩 三

清聖非苦節，迺見綱常先。君父固攸重，子臣情堪憐。此情不有已，奚恤後譽延。邈矣採薇事，市朝已數遷。誰招餓夫魂，廟食首陽巔。寒松覆碧瓦，古殿生黃烟。遺像儼生尺，手足連拱拜。瞻容色恭遜，藹周旋。盤無周室粟，隴有洞山田。桑盛戒清酤，伏臘擊肥鮮。光燦北海濱，歷歷三千年。高風自長久，汚世空顛沿。所以嗟貪夫，身沒名弗傳。

釣臺

韓應庚

結榭青山裏，棲遲得自由。困來眠小榻，興到駕輕舟。事業慚鳴鳳，生涯嘆拙鳩。塵纓何處濯，臺下有清流。

永平道中

明吳鵬

疎雨未滑道，秋風隨使輶。磴危頻下馬，溪斷不逢橋。板屋居何陋，蒲蠻習更驕。暝投孤館宿，寂寞聽鄰簫。

練武太平守將王君祿邀登南廟望北山古刹乃二

十年前舊遊處也感懷賦此

明戚繼光

憶昔從戎向北陲，重來持節鬢成絲。夜懸炎海烽烟夢，時聽巖關杖杜詩。古戍寒雲過，鍊馬中原晴日閃。牙旂安危賴有諸君在，酌酒還期下月支。

景忠山景忠廟

戚繼光

冰霜誰識抱關情，三輔河流一洗兵。樓閣晴懸新氣象，桑麻色起舊屯營。龍迴地軸開戎幕，水合天門駐漢旌。天下

奇才今不見願留方畧佐金城

塞上和韻

戚繼光

飛羽遼河上移軍灤水東前驅皆大將列陣盡元戎夜出
榆關外朝看朔漠空但期常獻馘不敢望彤弓

大將砲名元戎車名

集宛在亭

明 蕭如薰

雅有登臨興言尋別墅遊溪流通廣陌村樹帶前洲度曲
行杯緩看山入座幽野鷗如夙約相傍共悠悠

改席移舟晚中流雜鼓聲高林催月上短棹入波平飄靄
茶烟細微茫野火明今朝出城郭暫覺此身輕

遊俠兒呈同鄉陳叅將郭都闈

明 陳 第

江北多俠兒江南兒更俠朝向長安道暮出陰山獵弦動
鷗鷹愁旌飛 怯十載守雄關威名何震懾不數古人

勛猛樹中興業碩畫已垂成謗書忽盈篋去日逢春華歸
來落秋葉涕泣謝知交笑譚散僕妾馬首囊雕弓腰間仗
長鋏仰天嘆旄頭壯志猶未厭矯矯雙龍起定奏燕然捷

贈郭建初

明 于達真

塞客衣單露始零風高木落水天清烏啼橫海將軍幕人
識江湖處士星薊史一編存往蹟燕然萬里勒新銘莫愁
旅病無供給波滿寒塘月滿庭

三屯呈戚官保

明 陶允宜

薊門往事震京華十六年來靜不譁
路出萬山通鳥道城懸千嶂壓龍沙
空中雲影連樓閣夜半鐘聲動鼓笳
老將莫憐心力破金湯終古在皇家

歸次盧龍

明陸彥章

帝城東抱海山重迢遞單車出萬峯
秋色長風吹白鴈歸心落日下盧龍

半月坨

明曹司牧

水中見月月月初弦天水相涵月與連
夜半不知明月上半呈坨影半還天

祥雲島

明潘敦復

海岸山嵐接曙霞雲間日影暗金沙
潮聲夜入鮫人室柳色春藏漁父家
碧落樓臺騰蜃氣清溟濤浪滾霜華
誰開萬里梯航路隱隱東南一道斜

出榆關逢徵兵使人作

明馮惟訥

聞道雲中將先秋戒鐵衣虎符千里至
龍騎五營歸夜月明雕戟山風曳畫旆
誰憐瀚海外駐金微

長春官

明高吉昌

故宮鴟瓦紀遺樓堊淀斜陽水尚流
八部國殘誰有限十香人艷自生愁
珮環似聽松聲在奩鏡虛疑檻月留
莫嘆回心空署院玉環飛燕總荒邱

海陵曾三幸春水

烽火寺

明 徐汝勳

尋芳直上翠微間
梵宇瀟瀟出半山
詩罷酒闌遊客去
白雲依舊伴僧閒

山海關贈張職方

明 秦夔

燕雲百二擁皇都
萬里邊城入畫圖
到海有山皆設險
入關無吏不持符
詩書已足懷殊俗
籌策還看翼廟謨
聞說秋高戎馬健
也須辛苦事

都山雪霽

明 朱吉

同雲凍合天一色
鳥不高飛苔石裂
朔風捲海聲如雷
一夜都山滿頭雪
千巖萬壑光玲瓏
瓊臺瑤室開仙宮
是中可望不可到
安得一訪浮邱翁

海樓篇

明 華善述

上客且歸休
我歌送行舟
君家近東海
海中有瀛洲
瀛洲不可見
但見金銀樓
此樓誰爲之
無乃蜃氣浮
相望邈無梁
引領成悲愁

出盧龍塞

明 梅國楨

曉風匹馬渡灤河
極目天感慨多
近塞營還歷亂彌
山雉堞自峩峩
林間殘雪經春凍
峽口孤雲帶雨過
不少謀臣憂社稷
只應暫許郅支和

殫忠樓

明 孫承宗

縹緲憑高百尺頭，籌邊何暇坐銷憂。目窮江樹家千里，笛倚風檐月一鉤。藻井幕天開雁陣，鬢雲結市失龍湫。白山黑水棖楹外，玉帳蕭蕭萬壘秋。

夕陽泛舟

明 高第

扁舟乘夕照，萬頃欲凌之。水映天如動，波迴岸自移。探奇常載酒，躡險更題詩。逸興歸猶劇，江空覺月隨。

塞上

明 杜湑

旌旗當落日，絕塞陣雲橫。曉角驚寒雁，孤烟照暮城。河水驅馬渡，隴草逐人行。戰骨悲沙漠，年年古北平。

宿喜峯口城樓

明 王演

萬里秋風暮華，到此分幾年。望紫塞今日，宿黃雲片月。臨關見孤軍，擊柝聞燕歌。爭勸酒強飲，不成醺。

都山望雪

明 陳所立

祁連絕處總燕支，到此回看北斗低。六月山頭猶戴雪，罡風吹落薊門西。

界嶺

明 劉景耀

界嶺連雲際，陽河入海流。山川胡地近，風雨漢宮秋。處處嚴烽火，朝朝逐馬牛。誰憐漢飛將，白首不封侯。

桃林

劉景耀

野水年年去不還，荒林面面出高山。小舟晚泊鴛鴦渚，畫

角秋生虎豹關出塞將軍誰俠骨中原赤子正愁顏悲笳
遙對啼猿急暮日爭如歸鳥閑

秋日建昌有警

明徐學古

秋氣何蕭索千山落木空黃霾吹野戍赤羽急
碣石

雕戈擁榆關鐵騎雄將軍頻授鉞一戰報重瞳

春日渡榆關聞遠鐘并聞海潮

明范志完

榆關西去渡危橋溪水涓涓月半霄彈指三生俱夢幻鐘
聲遙帶五更潮

石門道上

范志完

四月邊城始覺春依依楊柳映青蘋石橋隔岸遙相望犬
吠花村門倚人

出大古路燒荒

范志完

九月莎枯鴻雁鳴將軍躍馬出長城旌旗光閃風雲變鉦
鼓聲摧鳥雀驚烟霧橫巒驅虎豹火光燭海吼鼉鯨赭山
不數秦皇事焚澤應推伯益名

夷齊廟

朝鮮柳夢寅

首陽蒼翠鬱嵯峩灤水悠悠也自波土俗尙聞孤竹廟那
人能唱採薇歌一時賢士知俱出萬古高名問孰多此地
清風吹不盡荒臺只是舊山河

前風烈不遠...
 八...
 許...
 夷...
 不...
 出大古...
 志...

永平府志卷之二十四

藝文志

國朝

詩

題夷齊廟

和親王

敬受吾

皇令抒誠謁二英孔稱仁已得孟日聖之清維世綱常定
 持身節操明愧他冰與雪未許比晶瑩

盧龍兵使者張君總戎劉君郡守彭君司理任君邑

宰李君陪遊孤竹城置酒清風臺有作

范文程

讓國清風百世師
陰陰松檜隱空祠
黃農事業應無異
山水蕭森自不移
石動鼉鼉分大壑
城荒烏鵲下高枝
接羅同醉花間酒
絕勝襄陽訪習池
孤竹城空隱夕陽
山中笳鼓漫悠揚
穿林間聽松杉韻
隔嶺遙聞薇蕨香
漆水波瀾交宛轉
灤河島嶼自蒼茫
登臨賓佐多清興
長嘯高臺明月光

觀滄海

魏裔介

滄海非東崑崙非西倬
彼天漢元氣混齊蓬萊三山是耶
非耶銀臺金闕侯不乘
槎潤色萬物震蕩九土沐日浴月
天樞地戶幸甚至哉歌以詠志

巡行過北平登孤竹堂望伯夷叔齊廟有感

魏象樞

孤竹何崔嵬兩聖高千古
仰止夢魂間有懷常欲吐
安得陟山巔瓣香頭一俯
告我希聖心難濟蒼生苦
凜凜對簡書汗下渾如雨
此行負朝廷愆尤何日補
遙望乞神靈相助驅豺虎
灤水自無波澄清在畿輔

贈崑令王萃雲尊人杏翁 原註永平人

半載江南客未深
玉山秋靜夜沉吟
九邊田牧思班壹
三輔交遊識季心
快馬柳城常命酒
軟輿花縣暫聞琴
白頭聞說西京事
會記循良久賜金

永平田君宗周吳故學博也袁重其識之尤展成司李其地相見詢袁年百有二矣索詩紀異並簡展成

北平車馬訪烟蘿
記向夷齊廟下過
百歲共看秦伏勝
一

經長在漢田何知交已料滄江少耆舊翻疑絕塞多聽罷袁絲數東望酒酣求作絳人歌

早發平城

石申

曉氣餘寒在一鞭
濟亂流暗雲辭夜曙
遠火帶星浮混混
分天地勞勞役馬牛
壯懷何所極古道足春秋

山海道中

孫廷銓

高柳荒亭下殘碑
古戍前秋光晴到水
山色淨於天氣變
蟲音急波沉月影
偏雞鳴催候吏爭渡石溪船

重遊龍泉寺

劉鴻儒

溽暑鬱我懷
携朋尋高爽
出城見南山
幽况夙所賞
龍泉

久神異風雨靈澤廣別來二十年老健喜重往密樹結層
陰峭壁當沆漭哈呀窳窳入薜蘿分披上躡翠陟其巔大
千指諸掌法王寶地尊霞光羅萬象景趣猶如昔理會頓
殊曩臨茲諸緣空耳目餘清響留連恣遐矚浩浩神氣朗
桃源勿勞思舍此將焉訪

清風臺

周體觀

獨上清風臺豁達見林野灤江卷石廻激岩向臺瀉中流
孤竹祠寒烟翻古瓦君王絕世代荒庭誰下馬娜婀長干
樹扁舟雜漁舍西山何蜿蜒幽光開紺閣墨胎良故墟首
陽無乃假引酒敬弔之愴然淚雙灑寂寞兩先生斷手後
來者

釣臺圖歌贈馬蘭臺山人

宋 琬

九嶷山人聊玩世伏波將軍之苗裔家在漢陂紫閣間孤
情獨與烟霞契彈箏叩缶本秦聲裂芰爲衣皆楚製儒冠
誤人幾半生秋風屢雪劉菁涕長焚筆硯事丹青潑墨吮
毫稱絕藝橫皴酷似黃大癡細染還宗吳仲圭近代以來
數文沈嘉隆而後作者誰山人工意不工似匠心自出無
專師盧龍山水頗不惡韓家釣臺尤最奇一峯高人白雲
裏登樓坐見滄海涓游人欲繪每束手譬如寫照難鬚眉
一日坐我悠然堂解衣盤礴無人窺須臾圖成掛諸壁高

巖邃谷光參差瀕澹旋渦漁艇立窈冥洞口烟蘿垂主人
韓生有狂癖此臺自爾高曾貽見圖再拜悲且喜重之不
啻商尊羹便買貞珉勒山側酌酒欲告山靈知山人此別
欲何往贈汝一枝筇竹杖避世宜從麋鹿羣結廬高卧仙
人掌寧恤牀頭妻子饑要令胸中邱壑長我今持節越王
城蘭渚剡溪恣偃仰預拂霜綃以待君一揮欲使羣山響
記取雪深一丈時山人須鼓山陰槩

贈韓子新

宋 琬

韓生何倣儻雅志暮田疇結交盡豪俠座多荆聶流盧龍
遘陽九鵠巢半爲鳩猛虎礪其牙噬人如玃獍先幾貴明

決盡室相與謀攀牽或徒步不辭道路修始聞林慮好繼
愛靈巖幽邑宰聞生來下榻如南州艷里聞生來饋糧貽
耕牛空同沒百載不能庀一杯金魚落人手白骨誰爲收
生也具衣冠馬鬣封遺邱前季奉廣柳葬父南山頭謁余
著麻鞵夷然無所求郡乘久零落感憤懷深憂山川風俗
書佐我恣窮蒐君家有釣臺樓榭與雲浮瞻言二三子攜
壘命輕舟垂竿發長嘯顧盼心悠悠今茲渡黃河余亦將
南翰哲兄棲會稽卓爾梁鴻儔著書探宛委未肯干諸侯
平安未妨寄以我當置郵行行且造廬庶幾一見不

遊韓御史釣臺

宋 琬

先生蚤歲返邱園選勝垂綸此結軒到海遙看千派入倚
雲高見一峯尊月明華表松杉影雨洗丹梯杖履痕誰謂
風流難再嗣客星今已屬諸孫

雨後西五峯

宋 琬

襍被星河近人同野鳥棲片雲孤嶂起一雨萬松迷城郭
微微見峯巒漠漠低不辭苔徑滑更欲杖青藜

東五峯

宋 琬

已謂西峯好東峯更不羣懸崖疑削刃古木善藏雲海色
朝來變泉聲雨後分何年此高卧自剪薜蘿裙

謁夷齊廟

東 蔭商

秣馬西周客維舟北海濱關河猶此地今古有斯人松老
荒祠月山閒故國春自憐藜藿士終愧採薇民

雲峯寺

東 蔭商

遙岫亂雲黑古林殘月明臺荒多鳥跡樓圯斷鐘聲山鬼
披蘿出村僧夾澗耕前峯問何許碣石少人行

關樓

陳 廷敬

壁壘高樓壯旌旗古鎮尊塞風春不斷邊日晝長昏悲角
關樓動孤城海氣翻往來憑弔意辭賦欲銷魂

出關門百里宿沙河站

陳 廷敬

關南滄海浮天白漠北連峯拔地青一片山河圍郭塞幾

家烟火接邊庭
遼歌調苦風還斷
盧酒愁多夜易醒
卻喜皇威臨絕域
鎮東門戶不須扃

度嶺見長城

丁 澎

嶺坂風迴樹鬱盤
長城如帶霧中看
隨陽雁斷天疑盡
背日峯高夏苦寒
滄海不沉秦女石
浮雲欲動楚臣冠
伊川一曲先揮淚
况是親經行路難

關山月

紀映鐘

邊月何凄凄
邊霜送馬蹄
無情沙磧水
日夜下遼西

登望海樓
曹貞吉
杯勺滄溟望裏收
百年觴咏幾登樓
尊前忽覺來三島
此外猶聞更九州
斷岸雨晴天側影
海門風急氣成秋
搖搖坤軸渾難定
曾否金鼇背尚浮

午日遊黃臺山

李成性

端草新懸艾嬌花已綻榴漁家三里近僧舍十分幽仰陟
黃臺頂俯看灤水流渡頭人似蟻山角石如牛酒任醉翁
意詩尋騷客酌誰期重午日還似暮春遊

秋日續遊黃臺山

李成性

白帝行新令黃臺憶舊遊山河仍古昔歲月已遷流鳥向
洲中集雲依天際浮投竿垂小釣載酒泛輕舟日醉石疑
虎形忘客似鷗放開江海量收盡水天秋

憇石洞留贈別山上人

尤侗

石洞陰森小有天朗公卓錫此安禪鉢龍夜靜歸山雨野
鳴秋高起海烟玉磬每聞邨照裏蒲團忽掛

御爐前懸知樹下無三宿面壁因何歷九年

陪周伯衡黃門游一柱峯釣魚臺和韻二首

尤侗

偶然走馬看花回却喜登臨接賦才山勢遙吞射虎石水
聲長繞釣魚臺風吹古墓無人到月白高樓有雁來彈指
春光半零落誰教輕放掌中盃

平生蕩漿在江涯載酒河干忘日斜疑有山僧點寺石只
無村女浣溪紗渡頭客散空流水馬上人歸滿杏花紫塞
東風暫行樂嚴城燈火又悲笳

早發七家嶺

尤侗

邊地悲風苦春來吹不禁征衣霜露結驛道歲華深曉色
千村動寒聲萬馬吟坐懷官閣上初日照橫棊

昌黎道中苦熱

尤侗

卧閣棊書整自扇揭來行部問騶鈴鳴蟬乍響新榆綠
雉低飛小麥青夏日并途長不已晚山如睡杳難醒何時
碣石觀滄海破浪乘風入洞庭

北平城

尤侗

飛將本數奇射石空沒羽不擒碧眼兒乃殺白額虎縱遇
高皇帝終與噲等伍

有貽灤鯽者書二絕句

尤侗

叩門有客饋枯魚活活灤河垂網餘回首舊游成一夢相
思誰寄遠方書

偏涼汀下釣臺邊日飽鮮鱗不用錢此日長安轉彈鋏何
如早趁打魚船

謁夷齊廟

尤侗

孤城鬱岌臨河激寒響清風繚繞之白雲翔其上中有
古賢人端然肅遺像社稷已邱墟精神自天壤金石永令
名俎豆芬芳將享勁飈迴頽波頑薄興慨慷我來北海濱欣
對西山爽駐馬俯平疇陟階掃荆莽百年喬木堅三春芳
草長高臺聞鳥啼遠水明漁網撫景迴幽瑟披襟頓超朗

薄宦亦苦饑懷古用自廣行行謁採薇寤寐佇遐想

謁景忠山

尤侗

磴道盤盤七十二板車宛轉似猿捫羣峯皆作兒孫立絕頂應知天姥尊夜月靈旗招五岳春風社鼓走千村迎神擬賦離騷曲欲薦湘君乏蕙蓀

登澄海樓觀海

尤侗

茫乎望洋向若嘆大哉歸虛渺無岸近視爭看白馬奔遠觀不辨青霓斷似雷非雷聲殷殷魚鯨顛倒騰千軍駭浪乍浮出地日驚潮翻射垂天雲方丈蓬瀛疑尺咫漢武秦皇心欲死鮫室蜃樓有若無瑤臺瓊闕非耶是飄飄我亦

凌雲遊海風吹搖城上樓援琴爲奏水僊操鼓櫂不見漁翁舟東望獨存姜女墓精衛填成血淚注縱使銀濤萬丈高不到墳頭草青處西行更上海神祠羅襪凌波來幾時霧髻烟鬟光窈窕夜深鼉鼓舞馮夷土人指點先朝事十年以前風景異關上皆屯細柳營墻邊亂蹴桃花騎水犀之師蔽艤舩木牛之糧銜舳艫鐵甲將軍吹觶栗臙脂小婦醉醅酥只今眼中一事無寒沙蕭蕭雁飛疾仰頭屹峙長城孤惟有滄海依依在滄海尙變桑田枯而我感嘆何爲乎

偏涼汀登眺是故高大司馬別墅

尤侗

此地風塵埋斷碣當年歌舞醉芳茵荒邱剩有松楸在廢
屋行于鳥雀親秋水覺多濠濮意田家時侶武陵人峴山
魂魄應相憶俯仰興衰一愴神

虎頭石

尤侗

將軍射虎陽山下視之石也虎所化至今石虎尙猙獰當
日將軍何叱咤數奇不遇高皇封時去反遭醉尉罵世上
誰無萬戶侯過此張弓不敢射

謁夷齊廟

宋元伯

孤城烟雨中長河遶百折驅馬越陌阡巍巍廟貌設陰森
鬱喬松斑駁欹石碣二子餓首陽孤竹尊高節嗟彼黃與

農灤水常澄澈波光澹不流山色遠還滅陰晴崇朝移烟
靄衆鳥悅夕陽滿中流發棹聞幽咽簫鼓夜未央歸舟月
如雪

謁夷齊廟

李士模

許由三皇資遇帝則洗耳夷齊帝者師遇王輕一死器識
故有恒各視其相取使其在勲華定當不爾爾虞夏何風
規孤亭俯寒水

灤水歌

李士模

灤水一何清喧豗日不止迴風噴雪過大荒渡壑穿巖數
千里入關幾處抱嚴城形勢如弓復如矢岸邊荒沙高接

雲波底驚石紛若齒黯黹能令白日寒天陰時有蛟龍起
憶昔榆關正用兵旌旗白羽亂縱橫萬舸平衡波上月清
笳吹徹鼉鼉驚物換星移仍此水不改濤聲改戰壘兩兩
沙鷗弄夕陽秋風落葉傷遊子

雪峯寺迴舟卽事

李士模

薄暮垂山靄中流落照紅舟行蓼影上人語水聲中盧酒
堪遲月絺衣不耐風隔林燈火近歸路響秋蟲

客有道盧龍風景者因賦二律

綦汝楫

人說盧龍勝層城枕塞垣山深屯虎豹關隘續輪轅落日
塵沙靜寒烟草樹昏孤峯上向碣石朔吹滿郊原

渤海初歸客幽燕繞夢思秋風李廣石暮雨伯夷祠官舍

征鴻過女墻畫角悲川原連大漠冰雪帶春澌

登首山

余一元

鬱懷歷久未登山晴日同遊開笑顏列嶂參差烟霧裏一
川環繞水雲閒巍巍神宇層臺上翼翼孤亭落照間綠樹
覆陰花放藥暮看黎首荷鋤還

林下生涯借勝遊雲山渺渺水悠悠南瞻大海波濤湧北
顧羣峯蒼翠浮芻牧牛羊遵隴陌耦耘禾黍徧田疇
把酒陶然醉策蹇歸來似泛舟

偏涼汀

譚允謙

嚴陰昏氣少此地是偏涼
有美魚多美溪田稻更香
秋刈獲水闊夜鳴榔絕
似今人憶故鄉

秦皇島望海歌

宋 榮

渤海之岸聳斷山橫截
巨浪空烟入此是秦皇島
岡輦道留依然白頭山
僧葺古屋晨炊遠汲荒
村泉危磧犖確帶沙石
盪胸萬里開長川天吳
出沒老蛟舞百靈彷彿
驚濤前我來榆塞正秋
晚蒼鷹叫侶摩青天鞞
紋波細風忽止白鷗容
與殊清妍俄頃變幻不
可測歸墟豈必非桑田
秦皇已去漢帝至孤臺
野岸空千年蓬萊方丈
在何處一眉新月來娟
娟解鞍脫帽便此住斫
松煮菽容高

移情愛鼓水仙曲無須
直到三神山秦碑磨滅
蘚花繡誰能與結翰墨
緣欲鞭螯龍作海市良
慚玉局登州篇

登首山

陳 丹

重陽過半又登高大將
開筵擁節旄山領羣峯
排翠嶂海當亭午湧銀
濤採花共泛杯中菊剖
蟹爭持醉後螯傳道荒
陬多虎豹暮歸共欲控
弓刀

雲寺曉鐘

王 承 命

蘭若棲雲久禪鐘徹晚
新偈參僧入定聲到客
知晨霜杵催今古金繩
覺幻真平明如棒喝醒
後是何人

東嶺晴嵐

王 承 命

亦平府志 卷之二十四 三
山色本無定晴峯倍可耽天容開麗日彩翠自成嵐霧鬢
營邱筆風鬢摩詰叅何當摹霽景烟盡島如藍

西津晚渡

王永命

宿鳥棲林後晚程烟水開問津逢日落暮景映波迴疎艇
歸人急寒潮返照催孤村依岸泊鷗鷺與徘徊

趙令君又呂邀同夏子宛來遊棲霞寺四首

沈 荃

一壩龍潭勝雙峯兎耳懸穿雲尋野寺撥草聽新泉石跡
遺金馬松風韻管絃興來頻顧曲日暮未知還

陟磴循松徑攜樽坐石磯野花晴落帽山翠冷沾衣地僻
留僧話亭虛待鶴歸我來方執掌到此已忘機

幽刹何年構棲霞此擅名曉窻延海色夜壑飽松聲園菓
秋堪摘山田歲可耕石橋流水靜湜湜照人清

登頓何辭遠山川信有緣幽期真不負東道况多賢碧草
餘春色黃鸝動暮天酒酣題石去回首渺蒼烟

澄海樓

沈 荃

傑閣臨無地危欄俯大荒連山橫睥睨截海作金湯島嶼
臨青岱乾坤入混茫

皇威加絕域萬里盡梯航

浩蕩天風發空濛海氣陰良朋一樽酒勝地此登臨日月

永平府志 卷之二十四 詩
通潮汐滄桑閱古今醉來還徙倚欲聽老龍吟

偏涼汀

方文

灤河東去海天空白草黃雲一望同惟有偏涼汀數里兩
邊山色似吳中

澄海樓

湯右曾

大海東迴水波惡如山浪打長城脚千年萬年鬼夢哭冷
鐵銷沉石崩落王公設險古制存屹立重關嚴鎖鑰干戈
相尋遠不數六十年前事如昨大盜移國明社墟瀕洞烟
塵昏六幕是時關門臨賊壘白日旌竿莽蕭索奸凶滿盈
人鬼怒世運艱屯

聖作飛龍首出在九天熊虎戎衣只一著石河西南破賊
處父老猶言戰時樂不聞人聲聞刃聲霹靂摧枯風掃籜
只今車書通萬里天下一家無厚薄名都貨貝街喧闐屬
國賚琛驛交錯承平暇日展游眺賓客閒情寄觴酌茲樓
我到亦偶爾萬古心胸忽開拓更喜天容海色清側身東
望蓬萊閣

山海關

湯右曾

東西誰界絕封此一泥丸地接長城險天浮渤海寬連山
趨碣石積水見辰韓吹角關門出邊風馬首寒

贈永平張使君

毛奇齡

永平府志 卷之二十四
車前八隊引鳴騶家有司空舊列侯李勉未經懷北闕張
華早已守平州陽山對酒宮花曙盧水寒帷錦浪秋退食
稍閒能嘯咏令支城外卽丹邱

永平秋夜釣臺汎月

范承謨

極望知流盡輕舟岸岸移恰廻叢樹後已在小橋西星動
漁燈亂天寒雁陣低隱淪何處覓此地有夷齊

擬弔夷齊祠

程雲

首陽千載蕨薇新誰繼古賢兩逸民北避初爲全父子西
歸終不負君臣戎衣取國仍稱聖白馬移封亦得仁若謂
伐商綏士女代周何更有狂秦

試院三松歌

李東懷

松關茆屋江水東欲去不去淹春冬輜軒使者香案吏後
車載我旋提封灤涼襟帶雄三輔南臺孤竹高龍從城闔
官解三古松翠虬揚鬚鹿養茸令支邱墟燕國故不知何
代長此青龍葱此行詰曲龍坂惡草木摧落山皆童桃蹏
李莫不可見驚沙極目迷荒墉西齋坐久羣動息惟聞院
宇謾謾來天風人生不如丁令鶴又不能爲葛陂龍征輪
蓬轉敝裘裂側身旅食天涯蹤大枝臃腫小拳曲頗遭垢
厲同非同犧尊青黃誇世用不樂吐萼飛韶紅平鱗鏟甲
吁可惜霜欺雪虐時有窮此松敷榮欣得地交柯摩戛相

永平府志 卷之二十四
錚鏦飽經歲月天使獨斧斤不到神靈鍾古根盤礴化爲
石苔纏薛剝辭磨礪我從燕南歷邊塞新月已見三彎弓
青山萬疊蔽歸路獨撫古物舒心胸婆娑清影吟不寐素
壁先已鏗鯨鐘

扈從過三屯營

高士奇

百雉崑崙古鎮雄野祠多祀戚元戎荒屯黃犢耕春雨老
樹烏鴉噪晚風壁壘遙分榆塞北旌旗曾駐薊門東登壇
將畧今誰是寂寂花開亂草中

登景忠山絕頂應制

高士奇

曉仗肅前趨遠峯忽迎面騁目迷烟蘿遊鞅豁蔥蒨逼仄

馬難旋鬱紆磴屢變五步十步中彷彿樓閣現直上丹梯
懸橫題金粉絢天氣引翠華斯須若奔電峻陟慚微躬傳
呼復扶倩憑虛乃振衣心悸日猶眩俄驚巔崖間飛翥盡
美善山光愜

睿情萬靈答隆眷

長城

高士奇

嬴秦昔設險絕徼營堅城蜿蜒亘萬里形勢何崢嶸塹山
築雉堞絕壁同雲橫人工旣已盡天險巍然成控制接陝
右拱抱環燕京疇昔邊事嚴老幼苦長征秋聲警哨動夜
火邊烽明

盛朝久息戰四境歌承平石樓棲鳥雀亭障荆棘生但看
飲馬窟日落寒潭清

南臺寺

李斐章

野寺高臺上登臨感慨生河流經絕塞山勢抱孤城破竈
殘僧去長廊落日明空階餘老樹時有怪鴉鳴

山海關

呂履恒

天際重關虎豹局前瞻雲樹尙冥冥山餘落日千峯紫海
瀉遙空一氣青漢塞烽烟亭甓壞秦城膏血土花腥漫吟
碣石東臨句絕代雄才敢乞靈

山海關

陳天植

雄關劃內地險扼長安大海波光闊遙峯殺氣寒疆場
百戰後烟火幾家殘塞草連天碧行人不忍看

望海

陳天植

上方高極目海氣薄晴空萬里生寒浪千山咽朔風馬驅
沙磧裏鳥度夕陽中幾歷滄桑變堪嗟是塞翁

角山寺

陳天植

振策最高處危峯接大荒雲歸遼海白沙湧薊門黃野草
匝邊地秋風冷戰場不堪重弔古把酒酌斜陽

澄海樓

陳天植

天風日夜吼萬里洪濤漾元氣接青冥夕陽歸島上蓬萊

弱水隔倚檻遙相望何處覓神仙孤懷獨惆悵

山海關

成德

雄關阻塞戴靈鼇控制盧龍勝百牢山界萬重橫翠黛海
當三面湧銀濤哀笳帶月傳聲切早雁迎秋度影高舊是
六師開險處待陪

巡幸扈星旄

澄海樓

李鎧

觀海平生志凭虛到十洲乾坤涵萬象今古滙東流絕島
鮫官隱遙天蜃市收披襟舒望眼高處落沙鷗
雲氣孤山起風颺萬里開洪濤奔駭馬高浪蹴驚雷樓閣

須臾變幽靈日夜來望洋渾不測俯仰興悠哉

鎮東樓

陳名遠

百尺鎮東樓遙臨瀚海秋怒濤吞樂浪大漠接營州月冷
閨人夢風高戍士愁獨憐章句友空復羨封侯

秦王島

諸元壽

大唐天子志勤兵幕府猶傳秦邸名自是征遼趨樂浪非
關渡海訪蓬瀛千年錯事談驅石百代遺踪話拜荆磧裏
秋風悲戰骨荒碑空憶魏元成

牛頂兜綿

余淮

牛崖雲霧起山半似兜綿混沌千峯合氤氳三輔聯流霞

明絕頂靈雨足沙田高下無多遠陰晴各一天

虎穴清風

王運恒

於菟何年徙空餘此石竅松濤嶺上來時惹山花笑

新秋登龍潭

張莊臨

積雨秋初霽新涼已透裳泉嘶夜疑雨沙峻月如霜極聽
窮邊靜愁看野塞長登崖時一嘯終老此僧房

東五峯中秋看月

張元復

玉虬初駕冰輪上一片清光發嶺東素魄傳來松際影幽
香時送桂邊風乘涼身在瑤臺畔踏影人行水荇中坐久

如霜露冷褰裳擬入廣寒宮

壬戌三月下滄邀同沈宮詹夏徵君遊棲霞寺四首

趙端

花明春寺僻水淨石橋幽兔耳宜邀月禽聲直似秋四時
開士定一曲夕陽留酒興兼詩思殊堪紀卧遊

片石老寒烟霜蹄神駿傳碧抽春草恨紅對落花憐松響
濤生樹雲低鶴下天邱亭今有地吾意欲逃禪

亂山巉嶮處絕頂覺天高歲月驚芳草生涯問濁醪醉書
應自聖詩史定誰豪石壁浸莓蘚臨風落兔毫

薄日林臯迥殘霞出嶠明遠鐘虛谷應古木暮烟平蹊濕
晴疑雨苔青斷復生臣心同勺水聊足慰懷清

春日同汪子明峻姪景徠景衡遊棲霞寺

趙端

禪房高聳亂峯頭此地烟霞足卧遊心遠獨疑仙路近林
深翻覺洞天幽敢將嘯咏同山簡自愛清狂過子猷最是
登臨多勝事竹牀茶竈共淹留

秋日同友人汪明峻及門王晚仙壻蘇岷源兒道敷

景徠景衡遊尋真觀遇雨四首

趙端

曉出城西路仙壇訪舊遊綠沙平野濶紅樹亂山秋數騎
穿盤磴雙旌渡淺流停鞭遙指處驟雨濕征裘

一片冥濛色千峯望不分瀑聲翻助雨嵐氣總成雲過嶺

人呼隊穿林馬失羣懸知仙院近山菓落紛紛

古觀清幽處偏宜靜者尋如將邱壑趣遙浣市朝心捫石
凌虛壁披雲見遠岑嘯臺憑眺久茗椀足長吟

吟眺忘歸晚隔林疎磬聲烟霞留永日竹樹寄餘情野渡
流方急沙痕濕更輕巖城燈火近戍鼓報初更

夜宿白雲山

趙端

三載驅城久愛白雲之勝而日夕苦于簿書遂使寂寂
山靈笑人千古癸亥春勸農過此因留宿焉皓月入懷
萬籟俱寂兀坐談禪夜分始寐正如坡仙醉卧綠楊橋
不復知爲人世間也爰紀以詩

夙慕名區勝而今幸一過不來蕭寺宿其奈白雲何月色
逢山好猿聲出塞多倚欄頻極目同此坐烟蘿

兔耳山行

趙端

兔耳兩峯爲撫邑靈鎮山麓有棲霞寺寺前有橋傳爲
唐尉遲鄂公所建歲久傾圮余于庚申秋承乏邑事捐
貲新之甲子夏五月忽爲暴雨衝頽冬初復有修葺之
舉載酒登山曷勝陵谷之感因作兔耳山行示同遊諸
君子

兔耳山高高入雲雙峯插漢浮雲分驪城百雉與山接捲
簾長對青山色我令驪城已四載今漸蒼顏山不改誰云

好山不待人山靈生面令重新彩霞一徑縈香閣紅泉百
道天邊落憶昔公餘蠟屐來汲泉終日坐松齋山水儘堪
供吏隱簿書安得擾詩懷今年五月蛟龍怒風霆夜撼山
中樹花臺圯仄石橋頽不辨春風遊賞處同遊爲山傷懷
抱令未有言口先笑從來桑海如瞬息何況兔耳一卷石
君不見山公酒醉習家池舉鞭真似并州兒又不見杜公
立石峴山上深谷爲陵徒怳悵令今醜酒酌西風慚愧山
公與杜公百年一日安足慮笑策花驄下山去

秋日遊棲霞寺

蘇濱

十里晴光徹曉霞尋幽重過老僧家雲開山徑初傳嘒木

永平府志 卷之二十四
脫寒林尙見花結社未攜彭澤酒汲泉堪煮趙州茶歸來
策馬斜陽路遙聽邊城起暮笳

遊棲霞寺

程士奇

寶地何年建相傳自鄂公門前春柳綠山外海雲紅拂石
尋金馬疏泉度彩虹雙峯天際起兔耳挿遙空

柳亭樓遠眺

夏駟

閑閑十畝繚垣荒高閣飛甍背女牆一道寒泉初出井數
株垂柳未經霜青山繞郭留人住明月開筵引興長翻笑
絃歌元亮宰籬邊偏少菊花香

北風蕭瑟雁聲闌十月邊城草木殘息足乍忘關塞遠登
樓陲覺地天寬雲開兔耳雙峯峻日落牛頭大海寒幾欲
振衣臨碣石不知蜃氣共誰看

北平送友人南歸

陳至言

哀角嚴城起悲秋淚滿衣如何遊子恨偏自送人歸霜落
孤鞍急天高獨雁飛賞心零落盡朋舊日應稀

九日趙邑侯招飲棲霞寺

辛進修

何幸逢仙令郊原載酒過黃花迷野逕紅葉點山阿澗瀉
泉聲遠橋橫雲影多忘形已落帽醉倒更婆娑

將至撫寧馬上作

趙朗

清溪爭度馬疎雨亂峯西一路無花落千山正鳥啼柳圍

村舍靜雲隱塞垣低怪底多馴雉青青隴麥齊

隨家大人遊棲霞寺

趙景徠

梵宮花柳散晴烟十里香塵駐錦韉觴咏疑追春夜晏風
流不羨永和年兎峯無恙摩霄漢馬跡何時枕瀑泉歌管
半殘人欲醉上方清磬自泠然

秋日遊棲霞寺

王模

策馬驪城古塞西萬重飛翠擁招提野花過雨香還淺山
樹迎秋葉正齊踏遍亂雲盤曲磴坐臨欹石弄清溪徘徊
更欲窮幽興兎耳峯高落照低

登五峯山望海

彭延禩

北平山水稱五峯五峯屹立摩蒼穹秋來絕頂試登眺林
壑如畫烟濛濛地盡忽驚天水合怒濤千尺騰蛟龍山僧
指點爲東海沐日浴月波濤紅昔我鼓棹江湖內茫茫已
嘆排長空谷王真與凡木別百川巨細皆朝東吁嗟乎秦
皇漢武意無窮渡海欲尋蓬萊宮只今三島杳何處秋日
遙射玻璃中

春日遊紫霞洞

馬惕然

東南一帶清心目有此千峯插翠微人在下方衝日上鶴
從高處破烟飛水深巖落寒侵骨門靜花開色照衣欲識
蓬萊今便是更于何地學忘機

碣石

王曰翼

一柱孤懸霄漢傍千秋禹蹟舊茫茫峯迴雁塞關雲紫日
射鯨門海氣蒼汗漫殘碑埋徑草崔嵬宮闕照扶桑朝宗
不有中流砥誰障洪濤萬里狂

登五峯山

王曰翼

青旻丹嶂合攀陟最高頭海氣朝成雨松陰暑欲秋石幢
迎露洗雲竇泛泉流吏况同僧拙登臨足勝遊

登三屯鎮城樓寓目

徐元夢

雉堞連山起登臨亦壯哉一聲南雁去萬里北風來苔沒
前朝碣雲寒上將臺興亡無限意尙想濟時才

九日侍飲紫荆山

徐廷璿

九日共登臺倚雲樓閣開西風頻落帽遙憶孟嘉才

春遊夷齊廟四章

徐廷璿

遲遲春日卜茲芳朝言策我馬于彼雪郊清風有臺上徹
雲霄我遊其下采薇之苗

豈無清流我纓斯濁豈無高山供我遐矚古人有言惟日
不足迨此良辰云何不樂

言有春衣豈必浴沂亦有童冠可以詠歸雖有絲竹清風
發揮西山夷叔邈焉莫追

瞻烏爰止伯夷之廬我行其野舍此焉如青山在眼名酒

在壺有風自東飄飄吹余

出關

徐蘭

憑山俯海古邊州
旆影風翻見戍樓
馬後桃花馬前雪
出關爭得不回頭

關門秋夜

韓雄亂

靜夜蟪蛄響新涼
蟋蟀吟三山歸遠夢
一葉助悲心月色
淒團扇霜華冷素襟
幽人寥落意不待九秋深

登角山

李養和

青霄萬仞削芙蓉
杖策先登第一峯
滿徑花香俱是藥
半山松老盡成龍
采芝力倦年非壯
對酒裁詩興轉濃
搔首幾番尋絕壁
舊題多被紫苔封

永佑寺

李養和

參差樓閣壓潮頭
突兀危簷界斗牛
天上祇聞傳貝闕
世間何處訪瀛洲
層雲暗展庭前畫
孤棹斜飛鏡裏舟
到此幾忘歸路遠
心隨鳧鷖晚悠悠

登撫寧城樓

單廷璠

戍樓憑眺欲黃昏
幾處孤烟出暮村
天末西風吹不斷
愁看秋色入關門

金馬遺蹤

傅汝翼

曾向蠶叢伴碧雞
臨流獨見渥窪蹄
漢家宮闕銅駝泣
不

復金門向曉嘶

觀海

張照

境界真無兩聊為物外觀乾坤浮一氣今古浸雙丸野鳥
飛難過真仙望亦寒人間白少傅高咏海漫漫

山海關

宗室 塞爾赫

颶風吹海雲濤翻排峯削玉森戈鋌一關雄據山海間險
隘不亞秦嶺函東控鴨綠襟三韓清流百道紆迴環一夫
當阨衆莫前安用更封泥一丸詎知天心勝地利偏能假
手移神器義旗西指草昧開四海歸仁消鼎沸百年相繼
覩重華中外而今已一家出入惟憑一片紙何勞關吏更

相譁

出山海關

塞爾赫

九月灤江幸未冰龍城石路舊峻嶒狐裘貂帽去年客自

喜雄關老吏登

望海樓觀海作

塞爾赫

東望浩無極憑虛思渺然誰將蠡共測我識蜃空懸大地
浮如芥飛身竟欲仙蓬萊知未遠縹緲隔蒼烟

釣臺村南坡

蔡珽

朝陽上東嶺草樹含輝光愛此南坡行澹然松露香林禽
轉幽暝澗陰餘夜涼徙倚坐白石沉吟戀衆芳青山寂無

事素心機亦忘清賞妙兩愜鎮日同徜徉

釣臺村居

蔡珽

茆屋與塵隔雲峯自一關五株陶令柳數畝謝家山晴嶺
卧黃犢幽溪下白鷗如何垂釣客日暮不知還

偏涼汀

蔡珽

徙倚對雲汀徘徊戀翠蕙亂山當戶牖一鷺入空明芳草
春城路斜陽倦客情吟餘無箇事心與暮江清

平城留別元臣五弟

蔡珽

山城曉鼓寒無聲青龍河邊橋已成西風獵獵玉鞭影驪
歌唱罷吾將行欲行不行住不住幾日勾留朝復暮不信

離愁解繫人枉教怨殺長亭路淒淒衰柳不堪折人生何
事有離別杜鵑頭上叫一聲短葉長條總成血虛舟忘情
自謂久誰知今日成情藪望府臺西一杯酒不爲斜陽自
回首

巴淳菴學士招飲望海樓

蔡珽

我家本居此海濱生平未嘗獲見海世塵宦網兩難排騰
騰已近五十載今年奉使幸過此一觀始雪夙昔悔探奇
賴有賢主人同遊更復饒佳賓初從檻下窺浩淼已覺胸
次吞乾坤旋見微風磨紫殼漸看碧浪推朱輪固知大小
生眼界未免渾濩驚心神小僧作態歡清醅旋轉能爲八

風舞含杯不語對高春冷醉微吟思獨苦人間惟有恨難
消打浪摧潮自今古君不見十里堆埼海畔城可憐猶是
秦時土

登黃臺山

張一諤

林巒樹色起晴光野翠谿風入草堂百尺灤流漱白石萬
家砧杵動寒霜清分蕭寺松前月逸醉香山社裏觴心淨
片塵何處着惟餘茱鶴伴奚囊
循郊駐轡歷蒼苔極目晴空翠嶂開野鳥含枝雲外出山
僧指月水邊來欲吹青靄全披谷已送丹霞半入臺何日
桑麻盈四境莫教中澤雁鴻哀

六石有感

張一諤

突兀文箕石猗猗蹲山麓浩淼滙積流根底若空谷淵深
不可測中有蛟龍屋澄泓倒雲影洄漩撼地軸乞祝應如
響歲歲效霖霖靈境不記年盛時多豐熟憶昔兒童遊臨
岸足踏踏砉然水石離昏矇沙土覆無乃天厭怪暗中鬼
神逐重來三歎息光芒不在目昔也巨浪浸今則赤日暴
塊然一頑冥射斗名空錄物理逝如斯滄桑幾見復

塔基懷古

張一諤

團團孤高處一塔勢插天絕頂青靄合紅光夜半懸髣髴
牟尼現依稀日氣連赤射山精避光逼宿鳥遷化象有真

宰靈聚起瑞烟陰寒徹三伏壯觀可千年景物開運會先
 獻註洪篇何年天柱折神工遂棄捐玉碎寶焰沉久而愈
 寂然應知色是幻東鄰仍空禪灤龍無拱照義和不著鞭
 茲景不我值探奇少夙緣往事隨流水極目草芊芊

灤水作

錢陳羣

山根左折勢廻旋一道中開到日邊估客暮收東海市戍
 樓春冷北平烟白雲自擁盧龍塞斷碣猶題貞觀年三月
 灤河重問渡當流立馬聽濺濺

北平使院三松歌用壁間李東懷孝廉韻

錢陳羣

七年三度馬首東歷春而夏秋未冬

予三至北平皆非冬時來時百

卉競獻秀魚鱗一一開題封緣坡登磴就平處堂宇肅肅

當寵從入門案牘不挂眼歛容振襟尋揖三高松兩株並

聳軒之後似踞虎豹登蒙茸低者隨肩高俯首各有本性

含蒨葱一株平鋪蔭十丈高張車蓋青童童月斜倒影城

郭外下矚雉堞如垣墉笙簧間作自酬答况有萬竅來清

風退之老而愚乃欲東野化爲龍何如三松非龍亦非雲

龍蟠雲護相追蹤由來後凋質禦攘冰雪千古同奈何相

賞在春夏坐令奇節羣媽紅松也有知若欲語恐見衆草

丁其窮座客感之爲起舞劍佩摩戛鳴錚鏦句容詞客青

蓮裔拳曲臃腫遭龍鍾想其醉後潑墨題素壁肝腸鏤刻
工磨礪調孤似弄雲和瑟力大擬挽烏號弓我從校士得
清暇長廊緩步開心胸讀罷濤聲落衆壑高歌一撞蒲牢
鐘

圍春山

洪鐘

翠擁螺攢四面高淡烟疎雨景偏饒始憐徑路稀車馬便
覺林泉隔市朝薜荔香邀麋鹿狎笙簧聲度燕鶯嬌尋常
詩酒皆堪樂莫怪淵明懶折腰

山寺雨晴

陸開泰

寺拓岩屏古堞邊蒼松蔚蔚薜蘿牽雲沉野樹潭光冷霧
歛遙峯月色妍千古溪山長不改一朝晴雨却頻遷憑軒
盡日看無厭纔識壺中別一天

桃峪停雲

陸開泰

古寺深藏隱棘扉雨餘花發景霏微頻驚桃艷因風落長
抱晴雲作帳圍疑是香濃僧入夢更愁月淡鶴忘歸依依
別後東回首猶帶輕烟繞客衣

角山寺

李廷對

憑臨巔頂萬山低高閣深深覺路迷寺隱岩阿惟月到峯
藏老幹許雲棲滄桑日湧銅鉦麗古堞墻高翠嶂齊愛煞
清秋將夜半松聲細細雜猿啼

瞭角山

李廷對

孤亭高倚夕陽東
檻外晴光八面通
芳草近涵春水碧
落霞低襯野花紅
雲添山外重重色
樹透簾前細細風
得意幾忘歸路杳
不知村店雨濛濛

杜曉峯出塞

賽音布

龍庭余舊到
送子淚沾衣
風定樹猶怒
日高霜正飛
嘯陰山鬼過
叫月野駝歸
常使心魂感
還家夢亦稀

關山月

徐以升

大旗霞捲夕陽殘
旋見邊城湧玉盤
鼓角無聲霜氣肅
山河流景鏡光寒
白頭漢將占星立
紅淚胡姬倚馬看
淨掃烟塵天闕迥
清輝多處識長安

關山月

李果

重關峻嶺鬱嵯峨
月色偏臨絕塞多
萬里寒生元兎郡
三秋光射白狼河
黃榆風急傳吹角
玉帳沙明照枕戈
最是空閨音信斷
中宵愁聽隴頭歌

送萬鳴嘉明府歸南昌

盧見曾

春陰蔽帶野棠新
祖帳壺篋夾道陳
威少恩多古循吏
名通位蹇舊詞臣
羽書汗赤盧龍塞
漁浦烟青彭蠡濱
同是杖鄉遊倦客
可堪岐路獨逡巡

平山堂菊花

入首之二

盧見曾

三朝前已度重陽何故東籬未綻香
曉喚釀夫催漉酒夜來簷瓦著輕霜

乞栽遠郡走書頻五載常添色樣新
官興已闌花轉盛知花原白媚幽人

遊南臺寺

張元

琳宮遙指問山靈勝日登臨蠟屐停
返照平分秋澗紫晴雲高壓晚峯青
香燈杳靄留禪榻花樹扶疎散客亭
試倚雙林舒遠眺幾行鷗鷺下沙汀

登清風臺

張元

層臺臨斷岸徙倚俯雲林大義存天地
清風自古今爲聞

先聖論道見昔賢心披拂歸來晚餘芬
尙滿襟

澄海樓

表曰修

連山赴溟渤高樓出其隈同人有成諾
繫馬升層階東方羲車上燭煜朝霞開

御題書在壁

乾隆八年十九年

聖駕兩謁

祖陵榮光

相徘徊是時秋氣霽一鏡如新措沈寥
鴻雁過寂寞蛟螭迴濤聲不作波萬里流
濯濯天末見豪髮估舶森高桅大海亦宇
內不限人往來舊禁一以弛

前歲上諭特開海禁俾民食流通人皆

感激

稱便貿遷無嫌猜太平本有象對此舒
心懷軒楹俯浩蕩

夙抱茲獲諧回首羸秦氏癡絕

聖所哈題壁御製有却笑祖龍癡之句神仙在人世如何尋蓬萊

山海關 裘曰修

我

朝定鼎初事與曩代異明祚既以移流賊竟猖肆舉國徒
信信何人正神器

天兵從東來倒海排山勢一掃氛祲空櫓槍歛焉逝為彼明
除凶為天下吐氣出民水火中且以申大義

天與而人歸

大位安所避曠覽史冊間冠古實無二字內得

真主自此有寧歲俯仰百卅年累洽重熙際芸生何林林食

德凡幾世輶車經巖關詢知戰時地仰維

魏巍功奮筆謹書事

前於錦州途次聞 京師連得透雪入關後見一路

積素鋪霏尙厚寸許土人咸請來歲又占大稔詩以

誌喜

裘曰修

瑞雪呈三白邦畿遠近均家書前有寄歲景到尤真物色
迎長至風光逗早春田間熙皞意持以報

楓宸

祥雲島

陳金駿

空傳海上聳三山此地祥雲咫尺間霞起赤城常爛漫風

清碧落尚斑斕無心舒卷龍鱗達有象昭同屋氣環暇日
開襟恣揮送澄波濯錦駐丹顏

灤江春漲

陳金駿

凍解春融夕漲闌灤江彌望水天連
汪汪詎止波千頃森森全收月萬川
浪暖桃花鱗鬣奮津通析木土膏妍
莫因向若生惟怯我便浮槎到日邊

蓮塘

陳金駿

酣戰還容恣採蓮較耕錄載一詩云最愛錦袍
酣戰罷不驚越女採蓮花觀兵豈憚

一流連塘在演武廳後密攢翠蓋綠雲掩競鬪新妝紅錦纏呼酒

飲從筒內飲買舟頗向鏡中旋忽然風起知何似娘子軍

成陣脚聯

綠帶洋

陳金駿

淨綠曾聞不可唾洋拖帶水景尤奇橫穿海面垂楊影直
透波心睡鴨姿疑是清湘通渤溟難容濁浪肆磷緇漁舟
欲渡愁難渡怕醒龍眼驟鼓鬚

慶福寺

鍾和梅

山藏古寺翠千層路曲飛蛇直引繩到頂祇餘紅日近穿
松潭與白雲升花爭笑面香難辨草藉重茵唾不能却怪
遊塵最無賴東風吹上佛前燈

遼西雜咏

八首之五

吳肇元

行止誰能定無端到海涯地偏饒霧雨野曠足風沙弔古
遺蹤少看山落日斜平生何限意倚仗數歸鴉
孤竹清風遠荒蹤費獨尋空山低落日古木響寒音去國
何關讓求仁只此心無緣薦蘋藻惆悵暮雲深
飲羽何年事英風此日留無雙頻出塞有恨不封侯故蹟
迷衰草寒烟黯戍樓數奇悲異代渺渺北平秋
昔聞田子泰嘗欲訪孤蹤及至盧龍塞斯人不可逢秋烟
千里靜落木萬山重四顧無相識驅車孰與從
險絕臨榆塞烽烟自古傳承平經此地戰代是何年滄海
連東極羣峯擁北邊長城徧秋草經畫感前賢

昌盧道中

吳肇元

清秋策馬問昌盧百里山程儼畫圖村落人家依石壁柴
桑門境枕荒塗望中塞遠烽烟靜愁外身閒意氣孤老去
尙餘雄劍在獨耽名勝更馳驅

一柱峯歌

高書勳

江邊春水晴映空連天四面開芙蓉小舟一葉駕雙槳獨
下萬壑臨長風當頭忽見玉笋矗不倚不折撐高穹頑青
鈍翠不記年摩天天矯蒼精龍波濤怒吼千尺雪澎湃直
使兩耳聳仰觀不知帽欲墮穿出只恐蒼崖崩其下似束
皮且剝漸上愈覺開無窮峻嶒未許五丁鑿頂上定有棲

鸞翁昌黎五峯我未見小小足此開心胸當時北平老驄
馬曾構茆屋陰崖東斯人志趣在山水兩世令我懷芳蹤
滄桑黯慘劫灰沉至今孤立青蔥龍安能登此叫九閭塔
然一笑吞長虹吁嗟塵土久宛人乃知天地多空濛

抵北平

高書勳

雄州作鎮勢崔嵬帶嶺經河四面開萬馬昔盤關塞路一
竿今卧水雲堆草迷虎影愁猿背春茁薇芽想墨胎立騎
漆沮清淺處夕陽無際上南臺

白雲堆

高書勳

浪花飛太急雪亂石磯頭天外何時墮人間幾片浮風濤
迷雁陣霜月誤漁舟滿地從舒捲年年凍不流

乾河草

高書勳

乾河草昔日河今日道路上行人踏枯槁水槁河乾草白
生年年春到青不了可憐年少出關人歸來誰似柔荑好

遊五峯山

龔應霖

君不見巫峽之山十二峯鬼斧削出青芙蓉又不見太湖
之峽七十二波光雲影兩搖曳北平山水古稱奇五峯兀
然當昌黎我來客此將三載今夕何幸相攀躋寒谷春回
冰雪少和氣習習吹春草寂歷空山人跡稀枝頭格磔鳴
黃鳥山靈知我巾車到嵐光雲氣清如埽疊嶂層巒果大

觀不讓太湖巫峽好一峯壁立俯滄溟望海峯一峯掩映如

錦屏錦繡峯一峯巍巍侵牛斗平斗峯一峯天竺靈鷲形飛來峯

又有一峯名掛月掛月峯梯雲不羨周生繩恍如五老相揖

讓又如五鳳爭飛鳴始知奇跡遍海內我欲盡歷恨未能

芒鞋竹杖正未已疎鐘何處隔溪水古木千尋夾道生蒼

藤怪石互騰倚肅瞻廟貌祀文公荒碑剝落多傾圯當年

未得列門墻至今再拜猶興起憑欄一覽意茫茫收拾海

天數千里朝看扶桑日色紅暮觀明月滄波紫岩前古洞

鑿何年范公遺象儼神仙老松如虬不盈尺霜皮黛色岩

之巔清泉一勺流不竭塵襟對此頓灑然長嘯幾欲裂翠

壁把酒還擬問青天不覺詩興隨酒發提筆一一寫崖間

嗟哉此遊信非偶誰謂山水無宿緣山水長存人易去對

影欲別還流連且喜山僧頗不俗知我行遊興未足留向

山窻卧白雲夢魂踏破春山綠

水岩寺下院 閻公銑

山行六七里一徑入叢林鳳彩騰青漢龍湫隱碧岑鳳彩龍湫

山寺之左右翼也閣寒蟠老樹僧定滌塵心前路烟橫處層臺更

可尋

秋日遊蓮臺寺 閻公銑

寺古臺空在池荒蓮已枯林聲疑過雨日色冷平蕪野水

元平府志 卷之二十四
綠於染遙山青欲無高天望不極秋逼海雲孤

五峯山

閻瑄

獨立高峯上遙瞻衆壑微烟霞連海出風雨半山圍鳥道
人穿徑僧房客啟扉五峯猶似舊何事倦東歸

秋日雨後再登水岩寺

閻瑄

踏破崎嶇路重來訪舊遊晴嵐迎日翠深樹護雲稠澗落
雷霆險泉含風雨秋相攜坐危石樽酒自交酌

丁亥仲春調守保陽留別敬勝書院諸生兼柬同年

謝使君山長龔孝廉二首

吳兆基

鑰鑰叨持右北平戶聞絃誦樂

來應有雷聲迅厥壤分高下爲霖徧遠近久旱期庚辛曉

昏目一瞬作詩慰我農今年幸逢閏

沙河驛早發

顧學潮

不斷村柝長已過宵燭短并程行休遲怯冷起徧緩倦僕
眼未開出門喜沙輒比屋啼晨鷄排簷多卧犬野曠更何
人來無去亦罕早行如噉蔗佳境每不遠星落自東稀霜
濃知午暖下馬問酒家聞鐘到僧館融融初日來萬恐付

一筦

卜梨

顧學潮

遷安一邑山皆峻土非不毛產亦僅東村卜家梨樹多內

有異種名四震皮細梗軟小而圓味甘肉脆芳以潤霜後
竹筐百箇盛凍前稻草十層襯收藏能使舊見新入夏浮
冰香更韻取小寧惟孔北海嗤蒸應有桓南郡人言他本
接亦佳我願此根除弗吝昌黎胡桃灤州鯽天生尤物非
民幸

安家莊

顧學潮

地與橫山接山迴望轉賒溪多橋一木市近路三义籠樹
寒烟起迎門晚日斜如何稽版籍無復姓安家

半壁店

顧學潮

州西十二里山路幾回盤村小衣冠樸年豐酒食寬人人

了不識歲歲賦先完豈必無懷氏休同薄俗看

常寧鎮卽事

顧學潮

一車周四境東去路何如白塔常寧鎮西風八月初理無
邪可勝時有法難疎但使民安業論功我不居

雙望村

顧學潮

隣邑多民事頻將曉色探秋聲連海壯雨意帶山酣一統
無中外分村有北南區區爾我見政體更誰諳

正月二十三開平夜雪次舍弟平夫韻

顧學潮

風聲吹夜急雪色趁朝探可是春非臆須知北異南入沙
融較易占歲老尤諳宜麥寒無碍男耕女不蠶

又七月十五日古冶對月

顧學潮

七月今年閏雲開一鏡天村聲牛背笛鄉思鴨頭船白髮
添秋感清光減夜眠數余年半百三度此宵圓

海陽立秋

顧學潮

三年宦迹海東頭魚米爭誇第一州吏爲官貧憎未去民
因歲稔喜猶留閒庭落葉梧知閏小雨催詩句欲秋菱芡
漸多蓮結子那禁風物動鄉愁

自茨榆坨至稻地

顧學潮

沙平野曠午風便萬口歡聲一路傳可爲惜貧常小蹇須
知藏拙在豐年山童脫帽收遺橡村婦兜衣拾墮棉正是

江南誇好景橙黃橘綠早霜天

聞西廳沈秋濤病起

顧學潮

兩署元來隔一廳聞君病起致丁寧無錢莫謂詩非崇有
命何曾藥不靈應訝別添新鬢白已看春放舊山青腰圍
減後豪如昨更倒床頭未盡瓶

驚蟄日宜安道上雪

顧學潮

二月猶飛六出花天低風急整還斜已看欲積因春冷可
待旋消似雨誇緩緩車輕山有路霏霏野曠麥無芽爲平
市糴官倉足忍使窮簷貧富家

宿王家店

顧學潮

小車來往不知官，心足能令斗屋寬。
掬雪已看茶試鼎，傾醪新喜韭登枰。
詩丸更錄兼行草，衣裏重開乍暖寒。
短燭未殘街柝起，又教高枕一宵安。

二八 榛子鎮示劉尉鈞恕

顧學潮

到眼青山認欲真，偏因忙暫得閒身。
墨池光動踈窻午，茶鼎香浮小屋春。
夢裏回頭應有岸，年來舉步亦看人。
一官最是驚心處，未辦能聲已累民。

偏涼汀晚眺

得灣字

顧學潮

年來偷得在官閒，選勝城南往復還。
花柳接城六七里，亭臺臨水兩三間。
平頭土屋春開牖，銜尾漁舟晚入灣。
蔬圃

麥畦都望雨，待看繡野濕烟鬢。

重遊偏涼汀再用灣字

顧學潮

肩輿侵曉出西關，又許州官一日閒。
犁動田間宵得雨，漁多汀上水添灣。
小瓶貯酒傾休盡，矮壁留詩寫更刪。
放眼風光春不淺，未應花信爲吾慳。

清明日得移官浙江之信

顧學潮

一官海國五清明豈料

恩深尚注名有樹，敢言人解愛無田。
誰禁我歸耕已銜新命，除南郡好奉安輿。
出北平約畧江程剛，夏首花飛長日暑風輕。

自海口至扒齒港雜題 十首之三

顧學潮

海邊民業半魚蝦升斗年年貨富家獨有去秋收最稔至
今不向別村賒

滿目平蕪二月春東風昨夜水粼粼未看網戶操漁艇先
有篙師拜海神

男把犁鋤女織棉粗供衣食過年年一廬斗大辛勤有肯
與州官自在眠

丁亥仲春調守保陽留別敬勝書院諸生兼柬同年

謝使君山長龔孝廉二首 吳兆基

鑠鑰叨持右北平戶聞絃誦樂

時清重延哲匠因遺構時余新葺書院敢為文壇作主盟壓軸縹

緗聊守素緣皆蘭蕙最關情蓮池景物曾相識又被春風

促我行蓮池保陽書院名

銜

恩新命去匆匆七路金湯杳靄中官閣朶雲前輩擅平山堂榜

為前守盧雅平山刻燭幾人同傳經自昔推龔尉召客于雨先生筆

今付謝公何處登樓勞記憶松濤晴帶海門風

冬日拜夷齊廟敬依 李奉翰

御製詩章原韻

清節高風忠孝腸今來孤竹拜冠裳涼波漱灑依臺榭老

永平府志 卷之二十四 四
樹扶疎映廟堂適義非惟能諫武英靈自在只臣湯欽哉
觀感恩廉立

睿藻標題重首陽

芳蹤曾識在青齊

青州昌樂縣有伯夷待清處碑碣

勝地初臨願日躋千

古卧松眠雨露一泓灤水繞東西不留鶴跡空華表徒悵

鴻飛認雪泥理正心安信道篤薇香轉視粟如稊

夏曉偕傅禧堂泛舟

李奉翰

訪勝扁舟去晨光漾翠瀾巖花紅自媚天氣曉猶寒樹樹
鳥相語山山水上看無心逢妙會偶泛得清歡

山靜林深處惟聞蕩槳聲雲根波色動峯頂曙光明翠茗

探幽趣吟詩見性情景佳問舟子指點不能清

喜峯口

李奉翰

重疊山環抱喜峯特地開長城邊塞詩新漲鐵門來巖草
滋清露喬松冷碧苔 王師勁旅過秋爽淨塵埃

登元武山瞻禮

李奉翰

石磴迂迴碧樹巔昇人指點入蒼烟巍峩樓閣凌霄上層
疊峯巒列檻前晃朗秋光普大地清虛法界近諸天屏營
瞻禮如臨在心跡怡然靜萬緣

澈河橋

李奉翰

非無舟楫濟雙河

澈河匯歸灤河故云

飛跨徒梁快若何萬騎臨流

嘶曉色長橋鎖霧枕蒼波中泓沙嶼濤聲湧隔岸喬松露
氣多此日雄師來紫塞定西

新頒定西將軍印信

逖聽凱旋歌

射虎石

王金英

射石飲羽我昔聞乃今得見怪石蹲風吹石髮其文彪霜
凝石骨其勢尊百獸不丁不敢進磨牙儼欲相噬吞漢飛
將軍勇無敵當年此地曾決拾一箭發正貫當膺至今鏃
穴猶深入我視既定心如獨騎虎背捋虎鬚手中不用
持寸鐵何貴錕鋹與鏃鏢忽憶先民履尾戒不妨繪作降
貊圖

清節廟古松歌

王金英

沙石犖确灤江澄江上山圍孤竹城有松萬本環城生蒼
鱗白骨顏色貞就中數株尤殊形知是何年芽蘖萌一株
側卧虬龍蟄之而牙爪何猙獰枕以巨石珠在頷有時風
雨恐飛騰一株團團葆幢立綢繆糾結枝交縈平鋪坐席
可茶話何由得此天然棚殿垣終古倚霜雪深夜彷彿神
依憑周遊更歷崇臺上俯矚邱壑胸次清臺畔一株又奇
絕百尺中折倒垂青有如羽士頽然醉解衣磅薄翻身輕
移時靜坐好風起謾謾乍聽琴誰橫忽然變作海濤吼萬
頃鞞鞞還噲吟古槐老栢相儔匹仙材得地呈精英過者
摩挲增歎息香林太守含深情濟南仙吏今妙手爰命作

繪鏘璫瓔邀我哦詩紀盛事好隨二老隆聲稱君不見闕
里檜尼山手植今猶榮俯仰上下歷千古廟堂燦列如日
星此松雖非商周物要亦時代幾變更使君採風重靈跡
持報

明主宜競競昔日况曾邀

睿賞宮壺寶墨揮縑繪

御製夷齊廟四景
有屈蟠松絕句一首

小臣珥筆則

豈敢吟聲唧唧竊比應候秋蟲鳴

偕丁李二廣文方少府蘇處士訪陽樂水於陽山下

得九蓮庵杳僻幽靜真仙境也欣題二十四韻

王金英

昔我同年友

謂孟
炎初

結廬城東郊爲言陽山勝未至心怱怱

茲來尋水源兼以快遊遨跨蹇出郭門迤行果老槽

東郭
外五

里驢槽村俗謂
張果老喂驢處

勒轡過紅坡清流何滔滔引人漸入勝步

步登雲霄小庵構山麓萃嶺羣峯包入門逸興豁穿室趨

山椒天開一片石平潔臨素濤松風鳴其上入耳如聞韶

彷彿遺世立頓令百慮消同人三五輩跌卧隨逍遙山菓

熟堪摘枰局靜可敲就中吳門客墨妙倪迂曹擬寫真面

目拂苔鋪生綃人山兩相肖山人宛相招

仙者山
人也

老衲亦

解事隔林送壺醪坐久共忘倦結隣欲誅茅平山五載住

遊歷遍隰臯他山那及此洵是山之翹胡爲名不著有似

永平府志 卷之二十四
淹賢豪信耳不信目毋乃山靈嘲久宿既未得倏別生鬱
陶奮筆聊題句紀實良非褒

觀海宿吳學山前輩寓齋

王金英

滔滔銀浪接平沙極目蒼茫望靡涯會向地圖窮絕徼始
知天塹隔中華矯看空濶翔鵬翼枯就濱崖索蚌花我亦
拘墟等河伯固應見笑大方家

天水相涵碣石孤居人指點影模糊桑田不信能遷變蜃
市從誰辨有無自嘆浮生同斷梗敢於

盛世說乘桴來茲幸值添籌會好共羣仙奉玉壺

是日值學山生

辰

登南臺

王金英

天風吹我此遨遊一度登臺一度謳領畧烟光朝復暮襟
猶杖履去仍留羣峯疊起趨龍塞二水交馳到虎頭故國

山川春夢裏搨衣如土闕江樓

金陵盧塞山以似北地盧龍而名明太祖欲建闕江

樓于上

道旁藍色草花俗名馬蘭李香林使君有詩屬和卽

次元韻

王金英

襲名香祖著芳叢恰傍金鞍玉勒驄纔見曉烟迷淺翠又
看夕照襯殘紅宜簪筓首花鈿上却在裙腰草色中微物
從茲標藝圃都緣秀句滿天東

景忠山

靳榮藩

景忠山色何縹緲石磴如雲樹如草
靈收遠山作近山山隈起伏千岩小
憶昔

仁皇臨御年每因蒐狩來山前
華巔父老尙能說湛恩渥澤

盈原口我到

行宮瞻

聖蹟夜瞻星月晝瞻日始識
名山原尋常烟雲都自

御書出復從別院拜三忠
仰止高山異代同當年應自入

宸賞許留報祀依琳宮歸路却疑從
天下筍輿面山身似架

仰看虛無層霄間曾于其上共僧話

景忠山謁三忠祠

靳榮藩

西川南宋景三忠一片丹心異代同
吳魏何人矜將畧金

元本自服英雄旌旗氣肅雲車到
箕尾芒寒帝座通仰止

高山修禴祀邊關萬里一龕中

自永平歸遷安口占

靳榮藩

日漾灤河雪未消軟輿新渡郭西橋
半林紅葉因霜醉一

帶青山引塔遙東海君臣誇遠畧
桓公北伐山戎至今支南塘壘壁

紀前朝三屯營是戚繼光舊署
于今世世歌畊鑿是處青雲上九霄

遷安口號

靳榮藩

三屯塢壁鞏京師長說

文皇駐蹕時開國承家謨烈遠至今紫氣極天垂天聰四年

太宗文皇帝駐蹕三屯營見八旗通志

三屯營外景忠山頰眺烟雲萬里閒舊是

仁皇蒐獵地都將田牧付民間景忠山左右舊圍場也

景忠山畔觀

宮墻堯屋舜階萬禩長載筆詞臣都拜賜江村學士富縹緗

聖祖仁皇帝行宮在景忠山見高澹人松亭紀行

冷口迢迢近熱河八溝三塔廣坡坨

陪都內外年年熟容得中原萬竈多庚寅辛卯間山東西河南人出冷口喜峯

等關墾地就食者頗多

貢道逶迤接土番共球王會富輪轅

天朝威德真無外鎖鑰何勞數北門敖漢奈曼喀爾喀左翼喀爾沁翁牛特土

默特札魯特阿祿科爾沁諸部落皆由喜峯口入貢

沙田簇簇午陰齊佳菓團團壓樹低抵得農人秋一半灤

河岸上下家梨

溽暑齊看栗子花風前拾穗遍山家結繩卽是傳薪火賣

向肩頭幾道斜栗花編繩可以續火

栽得柔柔不種蠶朝朝繭紙走畿南荷齋本自吟詩少不

是雞林價未諳桑白作紙頗佳

舞衫歌扇話從前五十年來禮教全學取唐風唵蟋蟀建

昌平府志 卷之二十四
昌平已有武城絃

建昌營素號繁華
今皆書聲絃歌矣

撫字催科兩未能山田衝後額相仍地官竚廣

天恩渥積欠銷時口自增

董家口外等處水衝地
十六頃有奇詳奉部查

佃民休說納租艱努力耕耘力自寬田主歸車農樂業問

渠何似啟補間

明末民苦兵餉遷邑尤甚太
平以來耕鑿者歌帝力矣

自到令支四載餘役車礮碌少安居養民造士曾何有留

得灤江尺半魚

題灤河橋聖泉寺

德楞額

寺古人烟寂山深路更幽松蟠千古月泉瀉一泓秋不覺

塵心淨還疑世外遊偷聞聊駐足多為白雲留

遊姜女廟

德楞額

策馬雄關外遙臨古寺頭清操留片石烈氣凜千秋淚滴

蒼峯翠情牽碧海愁荒祠誰結伴巾幗邈難儔

祠以榆關
烈女附祭

途中望長城

趙大經

峯腰一綫露邊痕正馬秋風為斷魂長笑蒙恬傷地脉何

如李廣將

去

軍屯深山虎乳巢墻缺破障人歸越塞門太

息前朝增壘處夕陽殘堞易黃昏

喜峯口卽事

趙大經

幾日關城誦采薇簡書堪畏未言歸調鷹野外風初勁牧

馬山頭草尙肥上將乍承新節鉞健兒爭著舊戎衣誓擒

贊普應尋約莫道松州但解圍

已丑冬予受事山海十日後偕署中友人輩同登澄

海樓謁海神祠天后宮次孫梅亭韻 陶 淑

渝水九州窮軒然巨波颺昔聞今始到望洋迷蕩漾雄關
鎮其東衆峯北拱向髣髴見蓬萊排空立仙仗飛廉若助
勢日夕相摩盪乾坤浩淼中危樓聳天唱壯哉如是觀余
情曷奔放直以山爲屏且以雲爲帳

長城圍繚繞萬世頗賴資當時除暴虐空負博浪椎至今
存漁島猶說秦皇遺傳信或傳訛後人爭唱隨懷古徒慨
歎仰視日潛輝回馬駐珠宮素侶羅文空禁吟聲四壁靜但
見各撚髭我亦脫形骸一騁天外思

題傍水崖

陶 淑

絕壁凌空起何年刻削成萬峯皆欲俯一水若能撐老鶴
盤松宿寒雲繞寺生山川奇險處隨意脫塵櫻

初夏攝事驪城偕振遠上人及舍弟輩自水雲寺至

天台山雙泉寺得七古一章 陶 淑

聯朝訟牒紛紛埽有如荒園除蔓草胸次欲使俗根除會
訪名山事幽討平明騎馬出城西四面巒光接馬蹄山靈
一似招我去崗巒變幻無端倪路轉蘆峯烟逕曲一山奇
笑飛濃綠人言此地天台山放眼貪看意未足山後黃崖

時碧峯上有古潭蛟龍空水雲漠漠不辨寺但聞萬壑鳴
松風盤磴幾層到山腹始見天台真面目雙泉湧地法界
涼祇讓老僧納清福吾聞天台迷阮劉仙人洞府藏深幽
茲山無乃是幻化飛來此地成丹邱山峯倒影山嵐收墨
花狼藉觥交酬惟有遠公橫淡趣揮塵山門石點頭

自宗峯寺至廣慶寺納涼

陶淑

天風呼不至觸熱過高林一徑人濃翠四山沉夕陰泉聲
流夢遠鳥語度禪深直到清涼後超超有會心

癸巳七月望後一日偕署中友人三弟東川暨兒輩

浴陽泉得長句十四韻

陶淑

神工偷鑿雲根虛地居離位坎流趨人間烟火絕不到長
以大造爲洪爐釀成髓液沸温煖換將冰雪迴春煦會聞
驪山擅名勝茲泉胡出邊之隅我來時值大暑退峯嵐翠
點秋光踈一一尋源到真境中涵清淨摩尼珠一泓空碧
剖作兩千斛流乳傾不枯濯纓濯足人自取俗云療疾斯
言愚我欲伐毛兼洗髓忽覺清風生體膚平生煩熱滌不
盡快意且復得斯須夜來散髮深林外天邊放出玉蟾蜍
湛然照我清肝肺空中禪旨疑有無此時氣冷諸天寂但
聞幽泉鳴笙竽回頭始覺塵海脫倚床高卧夢蘧蘧

宿湯泉寺和三弟東川韻

陶淑

疎磬聲搖夜影幽上方冉冉妙香流人依月冷心都淨山
借泉温氣不秋造物何曾清福客名場幾見好官休今宵
此夜良難得桑下能無三宿留

謁昌黎韓文公祠

郭鉉俊

南陽會展謁碣石拜崇祠兩地芳徽在千秋秩祀垂文章
懸日月節義見鬚眉獨障狂瀾倒偏扶墜緒衰闢邪煩累
牘折叛祇單詞大勇過賁育真堪百世師

湘子影

郭鉉俊

會尋少室達摩影嵩山少林寺有達摩面壁石又訪昌黎湘子蹤峭壁
依稀留幻相飛崖約畧想遺容水分清濁都堪映山下有清濁二

池人隔仙凡未許逢笑我烟霞緣不淺半生鹿鹿一枝筇

昌黎古蹟四首

郭鉉俊

漢武遺蹤在荒臺沒草萊亂山憑指點當日興悠哉漢武臺

王屋舊居在往來汾晉間果老居王屋山下往來汾晉之間如何仙頂後

亦自關元關果老院

爛柯人已去碁局此空留石上青苔滿閒雲盡日浮仙人臺

慣釀逡巡酒能開頃刻花何年丹鼎熟古洞滿烟霞湘子洞

喜峯口次郡尊韻

丁廷輔

彷彿江南路忽教倦眼開山烟烘日出野水傍人來寺古
依巖樹城荒老石苔佳兵無擾動何用掃塵埃

遊九蓮菴

丁廷輔

爲訪河源信馬蹄深幽疑是武陵溪凡心到此皆冰釋小
寺無名許鶴棲白石臨流堪作枕青松夾澗不成蹊人間
粉本從茲有笑看龍眠一卷攜

時蘇君
作圖歸

九蓮菴

李錫朋

古剎陽山曲憑臨景物幽坐看青嶂合行聽細泉流籟發
千松韻涼生六月秋閒曹無個事風雨亦須遊

和郡尊立春登清風臺

王家幹

山繞灤江翠繞臺東君有意送青來融融煖氣溶冰雪把
酒高歌懷抱開

松風謾謾拂層臺喜見陽春有脚來題罷新詩歸馬疾無
邊青嶂倚天開

初春同高石堂重遊偏涼汀

蔡瓶福

勝跡重尋處相將慰寂寥巖陰構亭榭石壁聳雲霄漆水
穿崖曲松林入望遙欄邊發山杏纔露一枝嬌

昌黎道中憇野寺偶成

蔡瓶福

忘騎叩松關層臺亂石間劫灰迷舊跡雲鳥自空山海近
暮天暝葉凋霜菊閒行行遍荆棘步陟愧蹒跚

聞王菊莊山長與丁遠亭學博諸君有南臺之遊余
以足疾未及與賦柬二公

蔡瓶福

峯峯層巒對水汀無邊秋色貯空亭晴雲半與虬枝合畫
角遙從遠塞聽酒醉瞿曇同放曠病隨摩詰自矜嫻詩來
動我登臨意點點芙蓉入夢青

王菊莊山長示遊南臺詩賦呈二首 陳 瑛

曾向南臺取次行秋來風物最關情當時若得聯高會知

在祇園第幾名

聞席間以數
羅漢為酒令

南山爽氣挹層臺賺得名賢屐印苔寄語蓬萊山上客人
間亦復絕纖埃

春日兩山道中看花

辛大成

崎嶇無路訪招提

欲訪石佛
寺不果

野草春深信馬蹄淡抹斜陽

花萬樹五峯東畔兩山西

野棠如雪小桃紅半放蘋婆醉晚風彷彿趙昌新著色黃
鷗無語坐花叢

勝水寺遠眺

辛大成

茫茫

上聲

秋空迴憑高酒乍醒峯羅千點翠海劃一痕青塞

雁低平楚晴烟接杳冥此心天地外何事苦勞形

遊雙泉寺

辛大成

數年絕遊跡今復快登臨

余向讀
書於此

一水清塵抱層巒豁遠

心路穿高鳥外杖入亂雲深恨少驚人句峯頭資嘯吟

登南臺山寺

辛大成

著來雙不借拾磴古招提地接灤江近山迴孤竹低雄風
生大壑落日滿長堤弔古情何極蒼茫塞草迷

漢飛將軍射虎處

蔡泓

茂草豐碑立水濱題名猶記漢將軍雕弧勁挽天邊月駿
馬狂嘶塞上雲萬古英雄餘片石千秋功業付斜曛行人
莫話封侯事嗚咽灘聲不忍聞

九日同幕中諸友登永平城晚眺

饒映奎

邊關控扼半凌空塞上秋光送晚風山勢迴環都向北河
身迢遞正臨東千家薏苡清香裏一路茱萸落照中喜雨
亭西真似綺菊花黃遍蓼花紅

剛逢九日倚城樓覽勝從教破客愁寶馬雕弓開玉帳珠
簾繡幙控銀鈎鐘聲遠接黃花寺扇影低搖白荻洲

時城南演

戲點點青峯都入畫落霞孤鶩一江秋

平山四面畫屏開更倚層樓望幾回射虎名存尋怪石釣
魚人去上空臺桃花峪口紅千樹茄子峯頭翠一堆孤竹
年年遺蹟在風清月素薦蘋來

無風無雨夕陽斜萬柳千松著眼睎百代詩名推趙質一
時將畧溯張華蒼茫雲繞遼西樹濃淡烟迷塞北花代馬
初肥嘶正急灤河驛口踏平沙

青鞵布襪後還先烏帽凌風笑拍肩古渡西隄沽酒店大

橋南畔賣魚船三三徑遠勞鄉夢七七花疎憶去年寄語
秋閨秋信至秋砧聽斷欲添綿

陪王菊莊山長遊偏涼汀

馮國泰

壬辰夏五天氣晴馮子初遊偏涼汀時當赤日憚炎暑快
攜蠟屐出南城不信呼舟先有客顧余一笑拍手迎及席
而坐者誰子二王之後駱李丁

是日同遊者先生暨蓮溪
甸邦聖川遠亭鳳陀共七

人詩酒差彷彿竹林數溪山恍入桃源行觀者謂是神仙侶

余亦歌出金石聲沿流而下六七里虎頭之石何猗猗

虎頭

石相傳即漢李將軍射石沒羽處似此功畧封則未將軍且然矧書生前

林正與蔡墳近乃公飛輓旂常銘謚以襄敏制曰可豐碑

鳳凰留芳名乃知遇合自天定幸與不幸誰其爭江嶼凝

茫鷺鷥白雪峯寺名晚暎松柏青粥魚響處日卓午停橈聊

復叩禪扃同儕于焉暫憩息雜陳野簌芳且馨日子戶小

不善飲便從衲子同談經逢場亦各恣所適而我賓主尤

忘形此來已饒林壑興此去更深烟霞情放鴨船歸茅屋

小釣魚人去荒臺平誰知山重水複處別有圖畫天然呈

到此又一人間世置我冰壺潔且瑩古人秉燭夜以繼而

况銜盃日未傾鬚眉蕭颯衣裳冷仰瞻

宸翰炳日星無多亭子懸崖置時有仙禽雜樹鳴可以案

上聯石鼎可以岩畔調玉笙可呼猿兮可招鶴可振衣兮

永平府志 卷之二十四
可濯纓素典而來興盡返杯盤狼籍客已醒引人勝地爽
如許招隱當不負山靈曲水滌河環若帶奇峯亂插削若
屏放棹中流丹初出一枕不知東方明

題清風臺壁

李向春

漁釣灤江盡日來不計秋有時獨懷古憑檻看東流

北平對雪歌柬王菊莊山長

丁珠

朔風嚴風透繡絳寒肌起粟顛毛豎灤河一夜水無聲巖
冰水至十尺龍鬚女垂雲海上來天葩紛舞凌空吐橫斜
老樹枝幹欲不行行人腰脚僂豪家深坐紫矚瑜低唱淺
畫喧小部戲珠北平客東齋平山媚我圍官府不待招邀

四皓來龐眉皓首滿庭戶床頭麩倒黃醅香掬灑臨風弔
往古射虎將軍嗟數奇求仙帝子歸何許榆關古塞說盧
龍荷戟當年征戍苦毡毳拂面結層冰皴瘃侵膚成惰窳
銜枚餞駟宵斫營雪化胭脂深入土今稱福地人恬愉廢
壘築成方丈堵擊壤羣兒歌歲豐明年預卜多禾黍圍鑪
人盡樂團團笑我無爲久羈旅幕中二妙皆同鄉盤桓時
作同鄉語謂李華亭長干更近長風沙子家安慶菊不遠
江南鄰住所羨君作客擁生徒繞膝依然羅兒女菊莊挈
家住永平破予岑寂寄長歌聲聲都入沈郎譜著屐不辭拖水泥
徑欲邀君酣綠醕白戰同吟禁體詩騷壇從此張旗鼓

傍水崖

黃標

松風一徑駐籃輿，突兀孤崖矗太虛。四面水如襟帶束幾

盤峯似髻螺，舒烟生古磴。將軍石

明張臣破單于於此勒石紀勲鶴老空

山處士廬

朱鄧林先生隱于此

今夜月明禪榻畔，定知清夢覺徐徐。

南城郊行

李源

春來無處不芳菲，散步徐行遶翠微。楊柳橋邊人影亂，桃

花渡口鳥聲稀。一痕雲抹漁莊舍，千疊山環僧寺扉。閒眺

渾忘歸去晚，夕陽依約上征衣。

雙鳳山寺

宋赫

閑來暫許叩巖扉，樓閣雲深接翠微。三面青山一面水，隔

喜峯口和郡守李香林先生韻

喜峯口和郡守李香林先生韻

熊文富

峯逼重關險，蠶叢特地開。城根盤似夔，山骨削無苔。衛國

邊牆固，驅氛鐵騎來。雄風忽迅發，應得淨征埃。

湘子影

趙大奎

半壁孤懸危似削，橫空晴翠映斜暉。詎憐世事情無限，控

鶴山頭竟不飛。

平時喜讀遊仙句，此地相傳印幻容。幾度呼來渾不應，對

雲長日坐孤峯。

西山爽氣晚來多，濁湍清流靜漾波。片石倚雲存幻相，相

傳千載定難磨

苔積成衣暮舞風蘿裳藤帶致無窮丹成應別時人去掩

映嵐光倚碧空

望長城

朱 楷

峯頭雨霽快登臨縱目長城入遠岑雉堞蟠迴秋色滿成
樓出沒碧雲深天開崑險分中外地接滄瀛歷古今詩客
但言邊塞苦

盛時耕鑿足歌吟

泛舟至清節廟

宋 發

遙望千山翠及山翠反收濤聲猶在耳轉盼已層樓

觀海

衛理元

觀海難為水蒼茫萬壑宗渾成天一色直瀉雪千重吐納
流何急包荒量有容浮槎堪近日我欲訪仙蹤

半月坵

宋文蔚

臨江島嶼象偏奇恰似蟾光未滿時一葉孤舟沙岸淨漁
人棹入廣寒棲

登五峯山

齊逢年

壁立芙蓉削不成盤盤歷盡淡雲橫十分翠繞孤城小一

片光連瀚海明古洞幽深尋勝跡

范公

荒祠磊落仰周行

文公 塵心掃却歸來晚水月松風兩兩清

送郡守謝慎庭夫子歸寧都

胡廷縉

竹馬迎來幾度秋，忽驚予告買歸舟。深情半屬平山月，直送征帆到贛州。

三載天家保障臣，萬民誰不頌陽春。由來孤竹無他物，多帶清風與故人。

宿榆關

張琴

辭家將百里，薄暮抵榆關。倦客纔停轡，蒼烟已沒山。夜寒聞漏永，夢短對燈閒。欲問連營處，鷄鳴又路間。

清風臺詞

姚永錫

孤竹之西首，陽山臺榭崔嵬聳。漢間一自兩賢隱，此處首

陽山石亦不頑，升階拾盡層層級。入室恍在雲霄立，此地本非號崇天。彷彿帝座通呼吸，四圍豁目興不孤。漫持斗酒相歌呼，階下薇香接俎豆。千駟雖富骨已枯，當年式食不果腹。而今餘韻留松竹，凌空奏響雜簷鈴。倚檻遙聽滌煩溽，我憶昔年有謝公。品格意氣稱豪雄，百尺危樓今已矣。却怪懷人錯臨風，世人誰能繪風聲。無色無形繪不成，留得此臺千古在。倒映灤江水亦清。

送郡守謝慎庭夫子歸寧都

姚永錫

文翁化蜀著賢名，三載循良治已成。解組有懷追五柳，歌驪無計挽雙旌。西山翠色濃歸興，南浦波光淡宦情。勿效

東山高卧穩雲霓猶冀慰蒼生

觀海和王菊莊夫子韻

李美

道孕乾坤亦聚沙海山強與判津涯偉人秋泛臨溟渤下

士春遊憶鬱華美昔曾遊海上陰火未燃天在水陽烏纔上地生

花三年更讀觀瀾什信是元虛擅作家

瀨氣茫茫萬彙孤海天回憶景模糊雲垂陰晝有時有浪

吼晴雷無日無宿世應鋤懸圃草此來當作濟川桴憑誰

遠引蓬萊路願就成連置一壺

詞

盧龍懷古 金人捧玉盤

尤侗

出神京臨絕塞是盧龍想榆關血戰英雄南山射虎將軍

霹靂吼雕弓大旗落日鳴笳起萬馬秋風 問當年人安

在流水咽古城空看雨拋金鎖苔紅健兒白髮閒驅黃雀

野田中參軍岸幘戍樓上獨數飛鴻

澄海樓 歸朝歡

尤侗

家在芙蓉江畔住兩漿沙棠桃葉渡天風吹我北溟來芒

羊一望無窮處漫將秋水註此時好讀元虛賦倚危樓不

聞呼嘯滿耳驚雷雨 却怪馮夷緣底怒白馬乘潮鳴急

鼓鮫人又喜起樓臺璇官出市珊瑚樹風鬟霧髻女戲彈

寶瑟來迎汝趁漁舟一聲欸乃送我蓬壺去

觀獵 望海潮

尤侗

遼西重地東臨碣石朔風塞馬蕭蕭臺上呼鷹磧中走狗
 千人弓箭橫腰牙纛抗招搖看雕翎落處雨血風毛日暮
 山空寒鳥饑兎正悲號 將軍坐地分曹有健兒行炙美
 女彈槽再打一圍揚鞭歸去戍樓畫角聲高何似霍嫖姚
 笑當年猿臂射石空勞顧語叅軍醉中磨盾好揮毫

塞上 賀新郎

尤侗

天末盧龍道看數分山崖聳峙河流低遶極望長安烟一
 抹但見黃榆白草又添得孤鴻縹緲寒月如霜沙似雪想
 當年有客傷心早重畫出邊愁稿 短衣自倚危樓嘯弔

西風一盃殘酒淚痕多少漫說明妃出塞苦不見玉關人
 老更滅盡英雄懷抱剩有琵琶渾不似倩廬兒彈出涼州
 調公莫舞烏啼了 昭君令工造琵琶笑曰
渾不似今訛為胡撥四

題王菊莊山長觀海圖用辛稼軒韻

摸魚子

吳肇元

乍披圖太陰雷雨鯨波日夜東去伊人宛在青蒼頂極目
 鼇峯堪數君好住有歷歷蓬瀛金碧登仙路六龍似語正
 若御騰霞精華濯影不使曉雲絮 長風便徐福當年真
 誤天吳如解相妒千秋待勒元虛賦鮫室潛靈應訴揮袖
 舞回首見齊州九點飛香土傾陽漫苦待破浪他年紅輪

扶近重展舊遊處

觀海侍菊莊夫子作

沁園春

沈永邁

渺矣天池今古如斯萬里茫茫覺霧雨迷漫朝騰幻影烟
霞蕩漾曙發祥光乍湧金波幾疑仙境孰向鮫宮現寶妝
倚樓望欲凌波竟渡一葦難航登巒佇立徬徨有玉闕
金宮水一方看島嶼沉浮非尋漢柱蛟龍汨沒但駕鼉梁
目注青雲追隨策杖想到蓬萊樂未央凝眸處已流珠赫
赫出自扶桑

清明日弔伯夷叔齊用尤西堂先生重九韻

賀新郎

孫廷玉

節屆清明矣駕輕舟尋芳訪勝流連灤水健羨夷齊兄與
弟自古及今無幾瞻故跡何禁流涕翠栢蒼松風謾謾惜
首陽山上惟餘此况復際紛紛雨當年事亦難言耳重
倫常忠君尊父棄違鄉里採藥荆蠻推至德差擬仁人君
子終不顧饑窮而死月印江心留萬古幸清風宕漾灤波
裏化頑懦皆興起

詞餘

海濱觀日

王金英

醉扶歸
渺無涯萬頃洪濤蕩曉瞳矐千條赤玉光團圞好
似盤盂狀是何人捧出鮫宮漲待與羲和攬轡恣騰驤且

立岡巒小卓青藜杖

皂羅袍

漫撚吟髭遐想想蓬萊仙境只在扶桑有時風送

御爐香幾多雲擁天門仗食非吾食瓊膏玖漿服非吾服

霞冠霧裳迺超於世上豪華樣

江兒水

噲彼燒丹妄堪為避世狂看巍巍玉宇金樓敞有

翩翩玉女金童降更漫漫

平聲

玉露金風曠仙籍伊誰管掌

名竄其間恐不全無倚傍

去聲

玉交枝

悠然長往恐神仙在無何有鄉撐開雙眼雲邊望

渡風波孰駕鼉梁空聞蜃樓時露藏縱教

平聲

精衛難填壤

笑前人秦皇漢皇更誰為劉郎阮郎

川接棹

休張望欲乘桴碣石傍來崖前獨自徬徨來崖前

獨自徬徨怪不得翔鳥吠雁對滄波眺一場向青天問一

章

僥僥令

平生忠信意非是畏洋洋只為

去聲

欲問明河隔霄

壤好喚張騫細忖量

尾聲

海濱觀日茲遊壯去蒼旻七千之上且待星槎再裏

糧

一、
 二、
 三、
 四、
 五、
 六、
 七、
 八、
 九、
 十、
 十一、
 十二、
 十三、
 十四、
 十五、
 十六、
 十七、
 十八、
 十九、
 二十、

一、
 二、
 三、
 四、
 五、

一、
 二、
 三、
 四、
 五、
 六、
 七、
 八、
 九、
 十、
 十一、
 十二、
 十三、
 十四、
 十五、
 十六、
 十七、
 十八、
 十九、
 二十、

漢三滕之涉其大濟桓公之設管仲之為河伯使又
之聖至在管子小齊人之我管子小也夫管仲對曰夷吾聖之
聖人先知也管子小形今已有形而後知之言非聖人也善其
教也管子小
問雜篇

始皇於海作管子小橋海神為之豎柱始皇求為相見神云
我形醜莫圖我形當與帝相見乃入海四十里見海神
左右莫動手工人潛以脚畫其狀神怒曰帝負約速去
始皇轉馬還前脚猶立後脚隨崩僅得登岸畫者溺死
于海眾山之石皆傾注今猶岌岌東趣疑即是也管子小

漢書帝時遼西太子廉翻夢人謂已曰余孤竹君之子伯

夷之弟遼海漂吾棺柳間君仁善願見藏覆明也視之
水上有浮棺矣蚩笑者皆無疾而死于于是改葬之晉書
地志曰遼西人見遼水有浮棺欲破之語曰我孤竹君
也汝破我何為因為立祠焉水經注

唐裴旻嘗與幽州都督孫佺北伐為奚所圍旻舞刀立馬
上矢四集皆迎刃而斷奚大驚引去後以龍章軍使守
北平北平多虎旻善射一日得虎三十一休山下有父

老曰此彪也稍北有真虎使將軍遇之且敗旻不信怒
罵趨之有虎出叢薄中小而猛據地大吼旻馬辟易去
弓矢皆墜自是不復射唐書

舊志公孫塚在盧龍縣赤峯嶺及道南烽火山有公孫神
康墓漢末元菟公孫度據平州傳子康豈其所葬與是
不知漢魏平州在遼東襄平而此爲遼西郡度不得而
有也至康子淵爲司馬懿所征經孤竹度碣石以次於
遼水洳烏得而葬此哉灤舊志從之且引康爲神康史
傳康無二名或以爲公孫瓚殺劉虞而據幽州蓋本令
支人赤峯嶺烽火山漢皆令支地也或瓚之先後族屬
而瓚則焚易京子纘亦殺于屠各未聞故吏爲收葬神
康雖不知其故爲令支人明矣何必以援元菟耶許莊
云父老相傳城西有謝丞相墳孟宰相塚因無顯跡不
敢強附則公孫之顯跡元菟何如令支哉均之爲僭僞
何舍近而之遠乎

唐宜芬公主題虛池驛屏風女史與唐書不同女史言公
主本豆盧氏女有才色天寶四載奚霫無主安祿山請
立其質子而以公主配之上遣中使護送至虛池驛公
主悲憤作詩至番其國立君矣質子見殺公主亦遇害
而唐書北狄列傳云以宗室所出女慕容爲燕公主妻
契丹鬱于鬱于死弟土于嗣攜公主來奔豆盧雖出於
慕容而燕都則非宜芬也奚王延寵降復拜饒東都督
懷信王以宗室出女揚爲宜芬公主妻之延寵殺公主

復叛是宜芬非豆盧氏延寵殺公主以叛非質子見殺而害及公主也

以下禍石叢談

遼景宗乾亨二年三月如南京賞牡丹遂西幸聖宗統和五年三月癸亥朔幸長春宮賞花釣魚以牡丹徧賜近臣則牡丹在長春宮宮在南京矣其駐平地松林松亭山關外也

金世宗大定十八年正月壬戌如春水二月丙寅朔次管莊丙子次華港己丑還宮丁未以春水詰石城令不稱職此長春淀也按金之春水沿遼捺鉢蓋必地坦夷四方二三十里木多榆柳時出較獵講武兼受南宋及諸

國禮貢國主牙帳以槍爲硬寨用毛繩連繫每槍下黑氊傘一以芘衛士風雪槍外小氊帳一層每帳五人各執兵仗爲禁圍南有省方殿北約二里曰壽寧殿皆木柱竹櫬氊爲蓋彩繪韜柱錦爲壁衣加緋繡額黃布繡龍爲地障窗榻皆氊傅以黃油絹基高尺餘兩廂廊廡亦氊蓋無門戶省方殿北有鹿皮帳帳次北有八方公用殿壽寧殿北有長春帳衛以硬寨宮用契丹兵四千人每日輪番千人祇直禁圍外卓槍爲砦夜則拔槍移卓御寢帳周圍拒馬外設鋪傳鈴宿衛春而捺鉢正月上旬起牙帳約六旬國主方至天鷲未至設氊帳河上

密掩其門鑿冰竅舉火魚盡湊之卽垂綸罕失也冰泮
剡木爲舟長可八尺如梭曰梭船施一槳以捕渡廣則
方舟或二三焉冰泮乃從鷹鶻捕鶯雁必擇鶯鶯聚處
晨出暮歸從事弋獵其侍御衛士皆服黑綠衣備連鎚
鷹食器刺鶯錐各一具于灤周相去各五七步排立主
冠巾衣時服繫玉束帶于上風望有鶯處舉旗探騎馳
報遠泊鳴鼓鶯驚稍騰水面左右圍騎舉幟麾之五坊
擊進海東青鶻拜授于主放之鶻擒鶯墜勢力不加排
立近者舉錐刺鶯急取腦飼鶻救鶻人例賞銀絹主得
頭鶯薦廟群臣各獻酒果舉樂更酬酢致賀語皆挿鶯
毛于首以爲樂賜從人酒徧散其毛弋獵網釣春盡乃
還世宗旣殂後主如春水改都南行宮爲建春又改遂
城行宮爲光春而長春不書矣至宣宗南遷而都入于
元焉

元許有壬圭塘集載喜逢口事今關名喜峯似失厥義矣
其與丁文苑同科爲哀辭曰文苑移官山北山北置大
寧右白霽地去京師東北尙八百里陸不可以挈家水
縈紆五千里扶病擁幼殆不能爲謀卽是辭也豈舟可
通乎按史將由灤通漕于上都造船視爲不可而止矣
今灤河之泚尙有繫纜鐵椿或以爲繫浮梁或以爲繫

行舟正德初年漁人獲一鐵纜茅重三百餘斤則昔灤
或深于今矣豈亦以繫浮梁者哉元通漕艦或不可至
上都豈其不容刀以達于大寧乎若名閩中清流之舟
水手今必可達小喜峯而至大寧亦未可知也

元白湛淵續演雅十詩發揮其一灤人薪巨松童山八百
里世無奚超男惆悵度易水者取松煤於灤陽卽今上
都去上都二百里卽古松林千里其大十圍居人薪之
將八百里也蓋在松亭關外與境外地同關內有灤陽
營及驛而皆上都之委此詩則爲上都作云將八百里
今爲胡守中所伐又自隆慶來薊北修邊臺橋館萬役
今千里古松盡矣凡元臣咏灤江灤陽詩皆上都非此
也當辨

明成化乙卯灤州城南有李氏子弋雄雁鍛其羽雌隨飛
悲鳴三日而去雄畜久而馴縱野以媒他雁及春其雌
復來飛鳴如昔累日其家異之出雄于隙地伺之雌哀
鳴而下周旋俯仰鼓翅招呼若與之偕飛雄竟不能去
糾頸弗釋並死之鄉人雲集而嘆瘞之于高坨名曰雙
雁坨處士朱景有詩按金元好問赴府試行道中見一
捕雁者云捕得二雁內一雁死一雁脫網去空中上下
盤旋哀鳴良久投地亦死好問以金贖得二雁瘞于汾

水邊壘土爲邱因爲雁邱詞景偶同此意惜詞不足步
一之耳余聞遷安縣城北門券有雌雄紫燕巢之忽雄爲
烏鵲擊死其雌不尋配亦不食飛鳴數日死嗟夫雁不
再配其性然也燕性喜淫而獨然尤所罕聞者

明初法嚴禁不私親防不忽微于地方二條今視若緩實
切焉洪武三十年七月以郭駙馬使遼回私帶榛子三
扛沿途擅用驛夫遞送事覺令自備鈔貫給還役人工
食仍勅兵部于山海松亭等關古北旅順口懸掛榜文
凡公差人員不許稍帶松榛等物進口渡海違者一二
斤三五兩俱分屍號令所過官司縱容一體治罪時歐
陽倫以私茶于陝西賜死其嚴如此

明初洪武二年命郡縣立學三年開科八年立社學選國
子分教北方十一年選武臣讀書國子監十四年頒五
經四書於北方學校爲久陷於夸而廣同文治也至十
五年五月丙戌命彙編華夸譯語上以前元素無文字
號令但借高昌書制爲蒙古字以通天下言至是乃命
翰林侍講火原潔與編修馬沙亦墨等以華言譯其語
凡天文地理人事物類服食器用靡不具載復取元秘
史紐切其字以諧其聲旣成詔刊行之自是使臣往復
朔漠皆能通達其語矣

明武宗正德十三年四月朔以大行梓宮將祔葬詣天壽山祭告六陵遂往黃花鎮密雲等處游獵五月末旬還京余居喜峯傳有父老手記四月二十七日乙未駕幸關過灤河見溪流沙迴繞意有寶物命中宮侍從取之得異珠不計及駕過士人往取並無之臨關命家將六十員名護出口外到濃津嶺止回宿驗馬廳九月五日癸卯總兵馬永具筵太監張永佛寶等侍樂工孫自毛供唱問頭上白不知下頭白否卽令屠戶闔之駕遂起往建昌灤州舊志十二日辰時駕至建昌至偏涼汀打魚乘船順風三里許至北釋院口手打捕竟日而還十三日到大沂河佛住山下觀魚人遂號爲龍泊然雖漫遊而行在便如遼金故無土木供帳之侈民不至爲煩亂焉

薊鎮忠烈廟邊路多廢總理乃合祀於三屯以都督死者孫贖未嘗爲立廟但搏象於景忠山三忠祠後寢新廟成昇入居中獨坐以副總兵而下旁列配之夫贖救予祠以死故也然死不論輕重迹其生平審其時勢而概祀之曷勸哉况行無可取罪不足贖乎明制待陣亡最隆必覈其所死宜祠乃贈諡未嘗于喪師辱國者而概予之祠也自正統土木之難尙有區別是後邊臣諱敗

多以捷聞不論倖死逃死降死死則以陣亡聞其濫如
江河勢不可挽矣

女伎馬氏蓬瀛昌黎人也東光貢士劉公直歷禮部主事
戶部郎中元季兵火宦遊遇昌黎娶之蓬瀛幼聰慧隨
父讀書精通歷數天文洪武壬申差內臣陳二仔捧寶
二百錠四表裏召授尙宮司宮正授冠佩縣歲給俸米
六十石戊寅差內臣穆和賜一女使送還寧家永樂卽
位召二次屢賜寶楮表裏官其子政爲本縣儒學訓導
終身

凡志古不考史其年與傳多不合如裴騫仙人臺記太康
三年爲北平郡五車王所據則晉之太康非遼之太康
也時遼西爲段氏所據二年慕容涉歸寇昌黎平州擊
史鮮于安破之矣又爲安北將軍嚴詢敗歸慕容連敗
段氏爲平州屬國所服何以言據也蓋咸康三四五年
遼爲石趙攻而走保密雲山事也撫寧盧嶺峯有七王
山亦稱遼王者皆段遼事魏史盧龍嶺蓋與密雲山連
亘不遠耳令支界崆嶺山有淮安王避難洞石上有大
安五年字可辨歷稱大安者秦苻丕元年慕容垂建元
不稱之矣是年燕餘巖以建節將軍叛爲慕容農所平
且不卽亡無五年也惟北魏大安四年則高宗至遼西

黃山宮築壇記行或五年有刻也遼道宗太康太安凡十年無事且未嘗東遊也淮安王不知誰其避難無考或僞亂僭稱耳

景忠祠記嘉靖癸未兵備熊相撰稱祀四君子諸葛岳文武寧也鎮守馬永所創未搏像而調去代者口西人至任拜元君祠與元君鄰因至祠像未成有木主問武侯何人以亮告知之武穆何人以飛告知之至文文山及名告不知矣問南人北人乎曰南人我固不知矣問何時曰前朝人至武寧王告者不敢名曰此今定國公祖也曰徐某有子孫奉祀不宜亦分三人食去之或以記

四人告而不知何爲記者永歸金吾先告定國遣紀綱校尉輩進香元君因謁祠觀像急矣乃畫像于辰壁爲將特祀抵之今壁剝落有遺迹蓋雖椎可鄙不爲佞可恕焉但徐冒虛名馬若虛舉而熊爲虛言皆本真而成假矣

忠義廟碑嘉靖丙申修撰屠應竣撰各路有之文同今太平碑尙存巡按金爍與同郡且座主命各路以幣請文而且謝蓋千金以此名耳文不言某何以死通言是廟隸某寨爲某帥立以祀官軍某等空其名令填之如太平路碑填是寨爲叅將周璿所守之廟祀官軍周明而

下不知明某年何以死瘞乃時帥非死者有路竟不填
不知何以立蓋公則名報忠義私則實報恩義也

燕出長人東北古爲多矣如慕容皝七尺八寸垂七尺四
寸德八尺二寸時逢陵長王鸞長九尺腰帶十圍貫甲
跨馬不由磴德見而奇之賜食立盡一斛至元魏南明
太守慕容叱身長一丈腰圍九尺矣則遼盧龍節度使
盧文進於無定河見人腦骨一條大如柱長可七尺有
之矣

明大漢將軍三屯營馬玉侍衛三朝語在母節婦徐氏傳
時有與同選口西人尤長尺餘凡選侍衛必兩相配是
獨舉班無對腹餘十圍重五六百斤爲天下第一以無
對不用訪玉家爲具餐十人至二十不得其一飽城中
或有十戶二十戶合爲具不能供五日語總府留之以
餉之難而去至冬無能施之衣而凍餒死於燕南矣是
後大將軍有江南客不滿三尺侈寵異常時屯城臺有
僧軀如之客以類已善視焉未嘗失温飽乃追憐巨人
之孳死而不知侏儒易爲生也嗟夫無論世間但燕前
如安祿山其重三百五十斤寵任至爲僞帝孟業至於
千斤而爲幽州督矣是人徒食粟必才無可用倘出與
對者則不論才否玉爲錦衣百戶而彼且指揮之耳故

歷舉燕長人種姑以慕容家告之若契丹阿保機其靴
可納城臺僧沒頂至爲僞天帝傳國二百餘載長人富
貴者世豈少乎哉是人至餓死非長之罪也

舊志昌黎仙臺山後有石洞古井張果老院在焉石碾石
槽遺跡尙存撫寧縣東十五里以氏河爲其騎驢曾陷
焉其飼驢石槽蹄跡宛然在府城五里大石盤礪上低
陷如之其墓在撫寧縣東南七十里韓湘與果老栖仙
臺山常對奕今有仙人奕石腳跡石盤文甚古又觀音
洞石壁上有韓仙真影世傳修仙辭鄉遺狀云墓在昌
黎城西南八里果老弗問矣邇者縣令刻藍關記瑤華

帝君韓若雲自撰云文公集其弟滂墓志銘支系甚明
其詩左遷至藍關示姪孫湘是記以公爲叔而父其伯
祖會會無子而有子湘有父而無父矣竟篇言呂洞賓
七度之成道及諸與游拾得輩未嘗與張果老游北至
五臺山未嘗言入燕也則昌黎縣之仙跡視斯記自辨
矣

染莊社記契丹時遼興軍風燹者行貨路收一卵于篋歸
置錦囊繫臍不月餘出蛇如簪飼之以肉漸長盈丈圍
將尺許乃縱之野任其自食嘗命以名曰于雅撫首示
以不忍別雅如人戀戀然但不能言而後去數歲益大

始食野禽繼而噬人有司制之無策乃聞于契丹榜募能捕者爇知其必雅乃應募而抵放處呼其名而至斂故舊而數其罪蛇俛首伏誅血流及近村土石悉染紅而莊以名莊老以爇能施恩除害而祀之雅能知恩服罪而配焉是歲里人修祠落之記其歲月金至寧元年仲秋辛卯興平路猛安蒲察孟里記或以雅知罪伏辜爇憐而葬之而以昌黎古蹟城西北三十里蛇皮王墓是雅之葬處也殊謬

石門子關天仙廟有神燈二盞正德年間盜去其一今更深入百步外望有燈近前並不見之

嘉靖壬子路軍馬文章往玉王峪日未沒忽見白髮翁尾之疑爲怪石擊之不見而見羣雞數百徧山逐之皆入地而山皆銀矣章以爲鉛錫攜數片而去至峪投郭銀家辨之銀以鉛錫給之因追所自出章具以實對銀遂密運數夜閉戶煉爲錠家婢密持小錠與鄰家婢曰吾家多多鄰知亦盜取之久而土人報路將撫按以上聞癸丑遣錦衣衛千戶取年有半而撫按往臨公私取用益多民不勝困恐爲地方患因報絕產而罷遂塞之上立廟鎮壓至今毋敢盜

漢兒莊南山鑛洞奉禁矣而土人傳莊北有識云東一箭

西一箭萬兩黃金没人見有人見普救九州十八縣陳
遊擊解云一箭者地百步外也東西常谷間南山一箭
地人常言有寶氣乃以取煤爲名役兵二百餘人鑿洞
年餘黑石不成煤或告宜一祭取其餒犒兵再三告不
忍子弟務必得之而莊西南隔河里許盜鑛者露爲三
屯營守備魏文舉密獲十二馱又搜南覺寺盜首孫南
華掘地得百餘斤以數十斤報官盜首前建昌胡總兵
幕客嘗爲領六寶峪鑛徒習矣乃薦之總理府不得意
而領舊徒爲此文舉貪鄙旣羸而寶復益之南華書生
乃爲徒勞謫戍于密雲遊擊亦徒勞人力因無以解人
口罷官鉅萬人益疑之中路協守羈留之索鑛百斤乃
出囊金五百奉之皆爲此識誤也

遷安縣西十五里宮寨莊北先銀杏二株可七八抱成化
間莊民韋氏鋸其一以爲奩具流汁似血鳴數夜乃止
其家遂滅一存十數抱蔭蔽二畝餘七家嶺驛西南郭
家莊西有樹連抱乃銀杏也

樂亭縣治往有怪居者憚之成化間冢宰尹公聞其事會
缺尹乃于辛丑進士中擇才望有福德者知縣事得沁
水李瀚仍擇欽天監官善術者偕往及至監官視之曰
是在譙樓時譙樓建置久矣撤之果得一巨蛇圍可尺

許監官咒之設大罈于前蛇卽俛首入內曰未可殲也
乃密封令人昇于海又壁間掘一女屍不知何時顏色
如生出而瘞之怪遂息李任滿擢御史官至尙書壽幾
九袞果符福德之相尹公信知人哉監官之術亦奇矣
惜逸其名

張住石碑場人其先有積惡者及住父益不爲善住好左
道舉家從之聚衆邪說有遊僧明果等嘗至其家誑以
妖術住信之一日住令家屬咸飲藥跪于地手刃之以
爲升天也計父母妻子及姊妹輩共十七人止一姪獲
免時嘉靖甲子事聞當道立柱斃之

隆慶己巳海漁人捕一巨魚約十餘斤曰此骨鱗魚也是
時無歲不有警說者謂魚負鱗甲兵象也不常有者而
捕之鯨鯢其頓息乎自此虜不犯邊者十餘年萬歷癸
巳漁人又捕一骨鱗長六尺餘約重六七十斤巨口尖
尾皮類鯊魚狀類鮫鱐有骨鱗五行鱗如酒盃脊如劍
漁人曰此垂白之老所未睹者較之隆慶年所獲直小
介耳

崇正壬申三月有大魚長九丈浮于縣南海濱氣蒸如霧
三日而死近海居人乘舟桴取其骨肉煮油家數百斤
旬日方盡其脊骨如棟其脇骨如椽至今猶有存者然

不知其爲何魚也後又有一大魚復至其處土人爭取之魚揚鬚鼓鬣兩目如雙日噴沫如雨吐氣若雲翻波捲浪舟幾爲覆而已不知何往矣今近海之人猶有親睹而能詳之者

張莊臨記

順治丁酉灤州倭城民獲雁色赤如硃雙目俱絳項繫金牌有元狩年號驚以爲神釋之

戊戌冬十二月六日午仙臺山右肩崩墜大石如巨屋千仞而下凡所衝擊無論大小萬石齊落聲如轟雷砂土冲霄損樹萬株至次年己亥三月六日白山半名弔砂口復隕巨石如前損中庵屋垣入前層屋復自屋破窗

而出蓋其衝之小石也猶大于斗凡合抱之木當之者

無不糜碎墜石固山之常連墜巨石則亦異矣

張莊臨記

黃孝子名贊江西臨江人父均道於元延祐間求仕京師留贊江南時贊幼及長聞父再娶居永平乃往省之則父已沒其婦挾貲更嫁居樂亭贊往求見拒不納贊曰吾來省父不幸父歿幸示墓所得奉骨歸足矣忍利遺財耶母竟不見其母弟憐之與偕求墓所又不得贊日夜悲哭禱於神一夕夢一老人以杖指墓處見片磚即可得明日卽其地求之母弟曰是矣某物可驗啟棺負

父骨歸

樂亭志

嘉靖中遷安李賢其兄名本遇方外人遺書藏笥中後賢
中武進士發兄笥得書乃爐火家言悅之會東北烽急
以欽依守備銜充中軍贊畫一日至荆子峪窘礦盜于
窟中其魁曰適得物願獻以乞命視之乃礦銀精者遂
揮盜去營丹房適有羽士相訪迎入一見如舊識羽士
曰君已獲聖母靈藥無難矣然周天火候非口訣不能
悉貧道願相助因縷縷授之果靈異可點化順天巡撫
汪公聞李名請師之李乃傳汪汪受術即休致去數月
李亦歸里無意仕進冬忽身熱如熾令汲井水澆之三
日死年僅三十餘 以下遷安志

天啟間李成性為諸生將赴省試其父患癩症羶丸腫潰
昏憤欲斃成性禱于箕仙仙為疏方弗效李再懇禱仙
曰當往問華公須臾返索松蘿茶滷面有浮沫戒云止
飲半酒杯病者下咽大呼冷冷即心清思食再與敷藥
半月而復云飲藥名冰盤乃冰雹之母一顆飛空化雹
雨一陣故戒多飲敷藥一名雨角龍吸海水氣凝角上
刮煉而成重半分許色紫味香一名玉苓為蟠桃上霜
掃而煉之形如榴子色似雲苓裹以蟠桃花瓣瓣如開
元錢大第薦而不鮮箕仙張姓名應龍明天水孝廉華
公即漢神醫佗侍帝為藥聖司也

景泰初城子嶺清泉寺古刹傾頽鄭僧祿跣足募化草建僧舍一間朝暮出山有二虎隨之而不害後數年去之他縣至今關前東西有伏虎山

天啟壬戌遷安郭鞏持節封壽藩事畢登華嶽見馬道人號真一年百二十餘歲能知未來事邀歸寓不食葷而飲酒至數石將別道人云後數年當東行相見越崇正己巳果攜一童子至豪飲如前又或數日不食氣體愈健髮長數尺不梳不簪留數月一日謂郭曰吾行矣可從我遊乎郭未答曰此時不行後悔莫及遂去山海關後不知所終

甚矣志之未易作也泛視之曰此一方之記載耳及身親其事則徵文考獻非上下數千年縱橫二萬里於書無所不備不能成此一書永平於古為孤竹遺墟而金元以前缺焉幸問明初始有志乘其後陸續脩補迨嘉靖間有閩人郭建初者博學多聞大有纂述雄筆頗能澁今亦未見其全編所傳者則康熙間張太守因宗觀察荔裳之書而續之者也考按此陋體裁乖舛不無遺憾焉李系林使君守

是郡慨然太息且為完書且念由張公至
今已逾週甲歲月既久故老無存於此不
修將更靡所考訂意余至此平講席乃
以編摩之役相囑開局于祭已初夏迄于
歲杪與諸君子旁蒐博採從容討論所成
是編其間可尚而稽者似已無缺然永輝
地處邊僻構書無多而考縣志又皆不
獲美備其為郭公夏五者知不免也刊刻
未竟李公以遷擢去余亦他往遂以校訂付
之家蓮溪學博及蔡夢堂大端已具凡例

中若贅數語始識巔末以見其雖有出
于寸學識之外志甚矣志之未易作也
乾隆三十九年歲在甲午季春月望
日江寧王金英菊莊氏謹跋



余自甲申八月任灤州已丑四月量移浙
江癸巳十一月又奉

命守永平相距不過五年凡山川之險以及
土俗民風尚能得其梗槩此受代時香
林李使君導以志書見囑也迨詢諸
董事者志分八門七門已付梓惟職友
一門未竣則序所云不及詳加校訂亦
遜辭耳爰取已定之存即日刊刻該工
恐覽者以冊首列名之故謂為志有一得
也因附錄于此 元和破學湖

